

中

興

禮

書

中興禮書第一百八十三卷

嘉禮十一

奉上太上皇帝尊號冊寶三

乾道六年十二月二十六日權禮部尚書兼侍讀劉章等言昨紹興三十二年奉上尊號冊寶禮畢宰臣率文武百僚詣文殿德拜表稱賀所有今來恭行奉上尊號冊寶禮畢合依前項禮例拜表稱賀其表乞下禮部修撰詔依三十日尚書省祠子禮部大常寺擇日拜表賀今據太史局中宣用正月四日乙卯

十二月二十七日權禮部尚書兼侍讀劉章等言來年正月一日德壽宮加上尊號冊寶行禮依紹興三十二年體例行事官朝服赴大慶殿發冊寶禮畢却易常服導騎從赴德壽宮仍依朝服行禮切緣希濶之典事大

體重其尊從與行禮事體一同自合並用朝服今欲乞應導從官並服朝服庶幾于禮為稱詔依

十二月二十九日尚書省劄子太常寺言契勘來年正月一日依已降指揮麗正門和寧門南北宮門並合經由門戶並比常日早五刻開文武百僚服朝服詣大慶殿先行發冊寶禮次換常服詣文德殿拜表稱賀正旦禮緣是日使人入賀未到幕次其文武百僚下人從切恐皇城司一例欄過內藏庫有妨換易常服今欲乞發冊寶行禮畢并拜表班退方許約欄人從庶得不致缺誤欲付皇城司依所乞施行

皇帝恭行加上光堯壽聖憲天體道太上皇帝壽聖明慈太上皇后尊號冊寶行禮儀

陳設

前一日儀鸞司帥其屬張設大慶殿及德壽宮殿門之
內外設御幄于大慶殿御屏風後之東西隨地之宜設
用寶幄于大慶殿當中南向又設權置用寶幄于大慶
殿門外隨地之宜設皇帝褥位三一于大慶殿上用寶
幄之東西向一于殿下當中面用一于殿下當中南向
又設以用寶授太傅褥位一于殿下當中橫鋪設宮架
樂于大慶殿庭協律郎位于宮架西北東向押樂太常
卿位于宮架之北北向儀鸞司設文武百官于德壽宮
之內外設太傅授用寶褥位于大慶殿下發用寶褥位
之前東向側向又設置用寶褥位一十二位內四于殿
下西階之西東向用北寶南四于殿下南向用東寶西四于殿下

東階之東西向

用右實北

又設太傅位于殿下西階之東向

侍中書令

淳熙二年慶壽加上尊號用寶行禮改侍中為左丞相中書令為右丞相後准此

位

于太傅之後東向北上吏部侍郎位二一于光堯壽聖

憲天體道太上皇帝用案之後一于壽聖明慈太上皇

后用案之後並東向又設舉用官位四二于太上皇帝

用案之後二于太上皇后用案之後又設禮部侍郎位

二一于光堯壽聖憲天體道太上皇帝寶案之後一于

壽聖明慈太上皇后寶案之後俱重行東向又設舉寶

官位四二于太上皇帝寶案之後二于太上皇后寶案

之後俱重行東向設太常卿太常博士又于其後設文

武百僚位

淳熙二年慶壽加上尊號用寶禮德設皇太子並文武百僚位

于宮架之北

東西相向又設大次于德壽宮大門之內設小次于殿

東廊位西向權安設冊寶帳于德壽宮大門之內隨地之宜又設太上皇帝御座于德壽殿上當中南向設皇帝褥二一于殿上當中北向一于太上皇帝御座之東西向太常設宮架之樂于德壽宮殿門之外北向隨地之宜協律郎位于宮架西北東向押樂太常卿位于宮架之北北向設置冊寶褥位四于殿西階下東向北向寶南以北為上又設冊寶褥位五四于殿上稍東北向重行一于殿上當中北向設太傅授冊寶位于德壽殿上前楹間又設讀冊寶位于冊寶南當中北向又設吏部侍郎位二于殿上在西稍南又設太傅侍中中書令吏部禮部侍郎太常卿太常博士位並如大慶殿西階之西立位之儀

淳熙二年慶壽加上尊號冊寶行禮添設皇太子位後准此

百僚位于宮架之北東西相向前一日儀仗鼓吹列于大慶殿門外禁衛等列于殿庭至夜權退大慶殿發用寶其日文武百僚集于大慶殿門外幕次各服朝服儀仗鼓吹列于殿門外禁衛等列于殿庭樂正帥工人以次入閣門太常寺分引前導官禮儀使閣門官太常博士禮直官分立於御幄前之左右次贊者引押樂太常卿協律郎入就位次御史臺閣門太常寺分引文武百僚入就下東西相向主定都大主管官往來照管次禮直官贊者分引吏部禮部侍郎舉冊寶官太常卿侍中中書令太傅俱詣殿下西階之西褥位東向少頃禮直官贊者引侍中中書令吏部禮部侍郎升殿西階詣冊用寶幄之西重行東向立次贊者引舉冊舉寶官升殿

西階於吏部禮部侍郎之後東向立次禮直官太常博士引太常卿升殿詣西階之上西東向立定皇帝自內

服履袍

淳熙二年

入御帳簾降皇帝服通天冠絳紗袍

次閣門太常寺分引閣門官禮部侍郎奏請中嚴少頃

又奏外辦次禮直官太常博士引禮儀當御前俛伏跪

奏稱禮儀使臣某言請皇帝恭行加上光壽聖憲天體

道太上皇帝壽聖明慈太上皇太后尊號發冊寶之禮奏

訖俛伏興還侍位簾捲前導官前導皇帝出御帳殿中

監跪進大圭禮儀使奏請執大圭皇帝執大圭

殿中監進大圭

前導位西向立次引舉冊官入帳搢笏跪舉太上皇帝

冊興禮直官引中書舍人搢笏奉太上皇帝冊吏部侍

郎押用案次引舉賓官入帷搢笏跪舉太上皇帝賓興

禮直官引侍中搢笏奉太上皇帝賓禮部侍郎押賓案

次引舉用官入帷搢笏跪舉太上皇后賓興禮部侍郎

押賓案禮直官太常博士引太常卿前導用賓進行協

律郎跪悅伏舉麾興工鼓祝五宮架正安之樂作凡舉

并置用賓于案前導官前導皇帝步從侍中中書令奉

用寶降自西階至殿下禱位之東向置定偃麾憂歌樂

止凡無皆歸律郎跪悅伏舉麾興工侍中中書令以下

各詣西階下禱位東向立前導官前導皇帝至殿下

用禱位立次舉用官搢笏跪舉太上皇帝用興吏部侍

郎押用案舉賓官搢笏跪舉太上皇帝賓興禮部侍郎

押用案次舉用官搢笏跪舉太上皇后用興吏部侍郎

押冊案次舉寶官搢笏跪舉太上皇太后寶興禮部侍郎
押寶案次禮直官太常博士引太常卿前導冊寶行宮
架正安之樂至殿下當中褥位南向置定樂止次引吏
部禮部侍郎舉冊舉寶官執笏退詣殿東階之東褥位
西向立次引太常博士引太常卿俱詣殿東階之東褥
位西向立禮儀使奏請拜皇帝再拜典儀曰再拜贊者
承傳在位官皆再拜訖內應行事執事並准此次贊者
引舉冊官詣太上皇帝冊案之左右東西相向搢笏跪
舉太上皇帝冊興吏部侍郎押冊案先詣皇帝褥位前
置定吏部侍郎退立東于階下西向次禮直官引中書
令詣太上皇帝冊位之北南向搢笏奉冊進行宮架作
禮安之樂至皇帝褥位前南向皆跪置冊於案中書令

執笏興退詣殿東階下西向止舉冊官執笏興少立禮

直官太常博士引太傅詣受冊褥位東南向側身俛伏

興舉冊官搢笏跪舉冊禮儀使奏請皇帝搢大圭跪捧

冊授太傅太傅搢笏受冊又奏請皇帝執大圭俛伏興

太傅興舉冊官舉冊興太傅奉冊于殿東階下詣太上

皇帝冊褥位西向跪置冊於案樂止凡太傅受冊寶皆禮却先舉冊寶案皆

詣東階下褥位西向置之舉冊官執笏興退立于冊案之後太傅執

笏興立于冊案之側西向立次贊者引舉寶官詣太上

皇帝寶案之左右東西相向搢笏跪舉太上皇帝寶興

禮部侍郎押寶案先詣皇帝褥位前置定禮部侍郎退

立于東階下西向次禮直官引侍中詣太上皇帝寶案

之北南向搢笏奉寶進行宮架作禮安之樂至皇帝褥

位前南向皆跪置寶于案侍中執笏興退詣殿東階下
西向立舉寶官執笏興少立次禮直官太常博士引太
傅詣受寶褥位東南向側身俛伏興舉寶官指笏跪舉
寶又奏請皇帝搢大圭跪捧寶授太傅太傅搢笏受寶
又奏請皇帝執大圭俛伏興太傅興舉寶官舉寶興太
傅奉寶于殿東階下詣太上皇帝寶褥位西向跪置寶
于案樂止舉寶官執笏興退立于寶案之後太傅執笏
興于寶案之側西向立次引舉冊舉寶官舉太上皇后
冊寶吏部禮部侍郎押太上皇后冊寶案侍中中書令
奉太上皇后冊寶皇帝捧太上皇后冊寶授太傅並如
太上皇帝冊寶之儀訖太傅已下並退詣殿東階下褥
位西向立前導官前導皇帝詣殿下當中南向褥位少

立贊者引舉冊舉寶官詣冊寶位俱搢笏跪舉冊寶與
吏部禮部侍郎押寶案禮直官太常博士引太常卿前
導冊寶由宮架東進行宮架作正安之樂太傅侍中中
書令後從冊寶出大慶殿正門樂止次鞏官捧擊冊寶
于殿門外權置幄內捧冊寶置于腰與初冊寶出大慶
殿正門禮直官太常博士引禮儀使詣皇帝褥位前北
向俛伏跪奏稱禮儀使臣某言禮畢奏訖伏興退復位
前導官前導皇帝升自東階將至御帳禮儀使奏請皇
帝釋大圭殿中監跪受大圭訖皇帝入御帳簾降次引
閣門官禮部侍郎奏解嚴皇帝服履袍還內如來儀文
武百僚以次退

內合導從冊寶官并從駕臣僚以次導
從冊寶并從駕其不該導從駕官並先

出和寧門赴
德壽宮立班

德壽宮加上冊寶

其日俟大慶殿行發冊寶禮畢禮部率輦官于大慶殿門外權置帳內捧擎太上皇帝太上皇后冊寶進行儀仗鼓吹振作儀衛等以次授衛從行太常博士太常卿舉冊舉寶官吏部禮部侍郎步導太傅侍中中書令步從至和寧門外太傅已下皆上馬導從和主官至往來照管德壽宮門外下馬步導步從至冊寶帳次權行安設訖太傅已下權退歸幕次以俟行禮皇帝自祥曦殿淳熙二年改作服履袍出並如常朝駕出後乘輦以出由和寧門及至德壽宮大次皇帝降輦入次簾降儀仗鼓吹儀衛等分列于德壽宮門之內外樂正率工人以次入文武百僚就次各服朝服前導官禮儀使問門官太常博士禮直官

分立大次前之左右次贊者引押樂太常卿協律郎入就位次御史臺問門太常寺分引文武百僚入就殿下東西相向立定禮直官贊者分引吏部禮部侍郎舉用官舉寶官太常博士太常卿侍中中書令太傅俱詣用寶幄次前隨地之宜立定次引舉用官入幄揖笏跪舉太上皇帝用興禮直官引中書令揖笏捧次引吏部侍郎押用案次引舉寶官入幄揖笏跪舉太上皇帝用興吏部侍郎押案次引舉寶官入幄揖笏跪舉太上皇后寶興禮部侍郎押寶案禮直官太常博士太常卿前導用寶進行入殿門宮架作正安之樂太傅後從至殿西階下褥位置定樂止用北寶南侍中已下各就位立定次引太傅止詣本班西向立定皇帝就太次服通天冠

絳紗袍次引閣門官禮部侍郎奏請中嚴少頃又奏外
辦簾捲前導官前導皇帝出帳殿中監跪進大圭禮儀
使奏請執大圭皇帝執大圭將至小次禮儀使奏請釋
大圭殿中監跪受大圭入小次簾降太常博士引禮儀
使當次前俛伏跪奏禮儀使臣某言奏請皇帝恭行加
上太上皇帝太上皇后尊號冊寶之禮奏請訖俛伏興
還侍立簾捲前導官前導皇帝出小次殿中監跪進大
圭禮儀使奏請執大圭皇帝執大圭前導官前導皇帝
升自東階至殿上褥位西向立太上皇帝自宮服履袍
淳熙二年出宮宮架作乾安之樂禁衛諸班親從等自
服靴袍贊帝起居帝御帶等迎太上皇帝升御座樂止前
導皇帝詣褥位北向立禮儀使奏請拜皇帝再拜訖躬

身奏聖躬萬福訖禮儀使又奏請拜皇帝再拜訖前導
皇帝詣太上皇帝御座之東褥位西向立次御史臺閣
門太常寺分引太傅已下橫行北向立立定次禮直官
揖太傅已下躬拜典儀曰再拜內行事起居贊者承傳
在位官皆再拜訖且躬身班首不離位奏聖躬萬福訖
禮直官揖太傅已下拜典儀曰再拜贊者承傳在位官
皆再拜訖直身立次引太傅詣殿西階下褥位東向立
次分班東西相向立定次引舉用官詣太上皇帝用案
褥位前揖笏跪舉用興吏部侍郎押用案升西階奉用
禮等官升階先詣太上皇帝御座前當中褥位北向置
皆自西階定吏部侍郎少退稍西東向立次禮直官太常博士引
太傅揖笏奉用升宮架作聖安之樂中書令從升禮直

官太常博士引太常卿前導用升殿至殿上得位北向
跪以冊置于案樂止太傅已下各執笏興禮執官太常
博士引太常卿降階復位立次引太傅詣殿上前楹間
北向立次引舉用官措笏跪舉用次引中書令進當用
案之南北向跪措笏跪讀用曰維乾道七年歲次辛卯
正月丙子朔皇帝臣慎謹稽首再拜言曰臣聞天不言
所利聖人不居其功極高明備廣大窮天下之辨莫得
形容也聖人法天天法道道可常名乎天不期大報必
歸之天聖人不期顯號而顯號必加之聖人聖人之心
與天合聖人之道天之道也大報之禮天且弗違如之
何其辭顯號哉恭惟光堯壽聖太上皇帝動與天同功
靜與天合德其動也無疆惟憂亦無疆惟休皇綱糾棼

維而張之世路棘躋砥而直之雷風之所震疊雨露之所濡沐聖文神武兩盡其極薄海內外教不肅而成政不嚴而治非與天同功乎其靜也全天之功與四海九州更始輕徭賦簡刑罰歸馬放牛包干戈而不用視八紘如一家視萬乘如散屣熙然而春肅然如秋動者植生者化化而莫歸其故非與天合德乎動而功靜而得合言之道泰得定其宇清明其躬卻智去故退藏于密由由然與造物為友力所加問之朝野而不至道之至也巍巍乎有成功蕩蕩乎無能名自陶唐氏以來陛下一人而已越予冲人祇承慈訓夙夜不敢康乃十一月壬午循堯之道類帝裡崇曾雲往來星象晦明者陟降泰壇克成熙事事天有大報矣事親獨無顯號乎夫極

高明者莫如天備廣大者莫如道不識不知順帝之則
不曰憲乎天無私無為感而通天下之故不曰體道臣
乎不勝大願謹奉玉冊玉寶上尊號光堯壽聖憲天體
道太上皇帝欽惟陛下執神之機御氣之辯沉潛光物
之智以不言言慈佚後天之年為衆父父沛滂衍渥敷
錫我子孫黎民臣慎誠歡誠忭稽首再拜謹言讀訖執
笏俛伏興舉冊官奠冊舉冊興中書令摺笏奉冊次引
吏部侍郎押冊案前詣太上皇帝御座之東褥位北向
置定吏部侍郎降階復位立次引中書令進冊于太上
皇帝御性座之東褥位置冊于案訖中書令舉冊官各
執笏興俱降階復位立次引太傅降階詣太上皇帝寶
案之後立次引舉寶官詣太上皇帝寶案褥位前摺笏

跪舉寶盃興禮部侍郎押寶案先詣太上皇帝御座前
褥位北向置定禮部侍郎退稍西東向立次禮直官太
常博士引太傅指笏奉寶升宮架作聖安之樂侍中從
升禮直官太常博士引太常卿前導寶升殿至殿上褥
位北向跪以寶置于案樂止太傅以下各執笏興禮直
官太常博士引太常卿降階復位立次引太傅詣殿上
前楹間北向立次引舉寶官指笏跪舉寶次引侍中進
當寶案之南北向指笏跪讀寶曰光堯壽聖憲天體道
太上皇帝之寶讀訖執笏伏興舉官奠寶舉寶興侍
中指笏奉寶次引禮部侍郎押寶案先詣太上皇帝御
座之東褥位北向置定禮部侍郎降階復位立次引侍
中進寶于太上皇帝御座之東階褥位置寶于案訖侍

中舉寶官各執笏興俱降階復位立次引太傅降階詣
太上皇后冊寶之後立舉冊舉寶官指笏跪舉太上皇
后冊寶興中書令侍中指笏奉冊寶吏部禮部侍郎押
冊寶案先詣太上皇帝御座之東褥位北向置定太傅
從冊寶升殿宮架作聖安之樂禮直官太常博士引太
常卿前導冊寶升殿詣太上皇帝御座之東褥位北向
跪置冊寶于案訖樂止中書令侍中舉冊舉寶官皆執
笏興次引太傅侍中中書令已下俱降階各歸本班立
初太上皇后冊寶升殿禮直官引侍中升殿西階詣殿
上折檻稍東西向立次禮直官太常博士禮儀使閣門
官前導皇帝詣太上皇帝御座前褥位北向奏請拜皇
帝再拜又奏請皇帝佺伏跪稱皇帝臣慎稽首言伏惟

光堯壽聖憲天體道太上皇帝陛下茂對春元載膺榮
號二儀並况萬壽無疆賀訖俛伏興又奏請拜皇帝再
拜訖且躬身次引侍中詣太上皇帝御座前躬承旨退
于皇帝褥位前西向宣答曰光堯壽聖憲天體道太上
皇帝聖旨皇帝俞受漢釐懋昭舜孝自欣知子勉對強
名宣訖侍中退詣折檻稍東西向立又奏請拜皇帝再
拜訖前導官前導皇帝詣太上皇帝御座之東褥位西
向立次御史臺閣門太常寺分引太傅已下橫行北向
立定次禮直官揖太傅已下躬拜典儀曰再拜贊者承
傳在位官皆再拜訖次引太傅稍前北向俛伏跪文武
百僚並躬身太傅揖太傅具官臣某等稽拜頭加上

尊號冊寶儀皇太子

臣某等稽首言

光堯壽聖憲天體道太上皇帝陛下

下應律丕天名增太極彰元后事親之
封人祝聖
之心奏訖悅伏興文武百僚直身立次太傅復位立禮
直官揖太傅已下躬興儀曰再拜贊者承傳在位官皆
再拜訖直身措笏躬身三舞蹈跪左膝三叩頭出笏就
一拜又再拜訖且躬身次引侍中詣太上皇帝御座前
躬承旨退詣折檻前西向宣曰有制禮直官揖太傅已
下再拜訖且躬身俟侍中宣答曰光堯壽聖憲天體道
太上皇帝聖旨迫于勤請益此徽稱禮冠古初慶均家
國宣訖退詣折檻東西向立禮直官揖太傅已下拜興
儀曰再拜贊者承傳在位官皆再拜訖直身措笏躬身三
舞蹈跪左膝三叩頭出笏就一拜又再拜訖直身立次
引侍中詣太上皇帝御座前悅伏跪奏稱攝侍中臣某

言禮畢奉訖俛伏興退伏復位太上皇帝降座宮架作
乾安之樂還宮樂止主當內侍捧太上皇帝冊寶入宮
次主當內侍捧太上皇太帝冊寶進行前導官前導皇
帝後從入宮行禮如別儀前導官至御屏風退文武百僚以次退
歸次以俟拜賤

壽聖明慈太上皇后加上尊號冊寶

其日早德壽宮先設太上皇后座于德壽宮本殿南向
俟恭行加上太上皇后帝冊寶畢太上皇帝降座還宮
捧冊寶內侍指笏奉太上皇帝冊寶從入次舉冊官內
侍指笏跪奉太上皇后冊寶興舉冊案內侍指笏跪舉
冊寶案入詣太上皇后座前稍南在東褥位西向署定
都大主管官前導冊寶進行宮架作正安之樂內侍前

導皇帝後從太上皇后冊寶入宮舉冊寶內侍置冊寶

于案內侍傳報樂止

凡樂作樂止皆內侍傳報

各執笏興都大主管

官退往來照管內侍前導皇帝詣太上皇后座前褥位
北向立內侍引司言司馬引尚宮尚宮引太上皇后出
閣宮架作坤安之樂升座樂止皇帝再拜訖躬身奏萬
福訖又再拜訖退詣太上皇后座之東褥位西向立舉
冊內侍搢笏跪舉冊興宮架作聖安之樂次舉冊案內
侍搢笏舉冊案置于太上皇后座前褥位北向置定執
笏立內侍進冊于案樂止舉冊內侍執笏興少立次引
讀冊內侍北向立舉冊內侍搢笏跪讀冊內侍搢笏跪
讀冊維乾道七年歲次辛卯正月丙子朔皇帝臣慎謹
稽首再拜言臣聞君子三樂以父母為先而王天下不

與焉伊上古以降歷選乎列辟篤于事親虞德以盛勤
于問安歷周師過然作重華協帝饗國永年成比屋之
封基二南之化又何加于孝乎豈不力鮮而功隆治通
而效速哉臣以眇未之質夙奉溫清撫育教誨底于有
成厥惟我父慈母愛之恩自陟帝位于今九載勤于邦
無盤遊之暇儉于家遵澣濯之志王政與焉德教形焉
亦惟父慈母愛之功也屬者候景初至載秩元祀奉裸
圭而先祖聽奠宣玉而神示格繁釐浹于縉緹大賚徧
于華夏穰穰熙熙臣何力哉揆厥所元亦惟父慈母愛
之德也夫天地裕于萬物萬物無以裕于天地况我壽
聖太上皇后避功于十亂得道于少廣冲虛澹泊從黃
帝于大廷之館明誠慈範豈昧陋所能稱賀乎然而三

神之歡不可掣也。臣子之望不可缺也。今鴻名顯號加于堯父，則我聖母曷可後已？是用章明具慶，率籲衆心，懇懇惓惓，不勝犬願。謹奉玉冊金寶，加上尊號曰壽聖明慈太上皇后。伏惟殿下合章而亨，得一而寧。誕受帝祉，永膺令名。舒大陰之華婉，放勳之明躬。老氏之慈對如天之仁億萬斯年，保我子孫。臣慎誠歡誠忭稽首載拜。謹言讀訖。舉冊內侍奠冊，舉并冊案。退復位，讀冊內侍執笏，俛伏興退。復位次舉寶，讀寶內侍舉案，讀寶等樂作，樂止。並如上儀。訖退。次前導皇帝詣太上皇后座前，褥位北向立。尚宮奏請拜皇帝，再拜。又奏請皇帝俛伏，跪稱皇帝。臣慎稽首言伏惟壽聖明慈太上皇后殿下博厚承天，輝光遡日，隆名並受，溥海同歡。賀訖。

俛伏興又奏請再拜皇帝再拜訖且躬身承旨內侍詣
太上皇后座前躬身承旨退西向宣答曰壽聖明慈太
上皇后聖旨皇帝儲休郊廟歸美庭闈力避從靜言有
愧賀宣答訖又奏請拜皇帝再拜訖退詣太上皇后座
之東褥位西向立次內侍詣太上皇后座前俛伏跪奏
禮畢奏訖俛伏興太上皇后降座宮架作坤安之樂入
閤樂止皇帝退易履袍以俟出宮還內如來儀初皇帝
于宮中行恭上太上皇帝尊號禮畢于德壽殿東閣下
閤門官禮部郎中奏解嚴內侍官轉進次御史臺閤門
太常寺引太傅率在位官詣德壽殿下稍西拜殿賀壽
聖慈太上皇后如拜表之儀訖退儀仗鼓吹儀衛以次
退訖從駕官以俟從駕還內如來儀

乾道七年正月四日宰執率文武百僚詣文德殿拜表
稱賀

中興禮書第一百八十四卷

嘉禮十二

奉上太上皇帝尊號冊寶四

淳熙二年三月十五日詔太上皇帝聖壽七十亘古希有甚盛之慶當與海內共之可令禮部太常寺討論典禮以聞

六月二十三日禮部太常寺言檢照典禮緣此慶事亘古希有今欲將國朝加上尊號并上壽典禮參酌比附先次討論乞賜敷奏施行詔恭依先是三月內禮官檢

月一日詔乾元殿受朝賀受用禮畢厚臣上壽并乾道七年正月一日乾元殿受朝賀受用禮畢厚臣上壽并乾道

事得旨宜論故有是詔

六月二十六日禮部太常寺言今先次參酌比附討論

到合申請行下項 一勘會昨紹興三十二年奉上天

上皇帝尊號曰光堯壽聖太上皇帝太上皇后尊號曰

壽聖太上皇后乾道七年正月一日加上光堯壽聖太

上皇帝尊號曰光堯壽聖憲天體道太上皇帝壽聖太

上皇后尊號曰壽聖明慈太上皇后所今來加上尊號

欲乞依上件體例施行 一依禮例擇日皇帝率百僚

詣德壽宮奉表牋恭請加上尊號及修製寶冊并沿用

寶法物及合差書撰冊文官篆寶文官禮儀使都大主

管官乞依禮例施行詔恭依

二十九日尚書省劄子奉
執事子尚書省無礙加上

專號詔用
七月六日

六月二十九日詔光堯壽聖憲天體道太上皇帝壽聖

明慈太上皇后加上尊號修製冊寶及將來行加上之

禮部大主管官差入內侍省副都知王概

七月三日入內侍省副都知王概奏准初差充都大主管官緣已承指揮其冊寶法物令所屬參照乾道七年加上尊號制度修製兼所司又有承降指揮慶太上皇帝聖壽七十事體至重所有應干合行事件欲乞將昨紹興三十二年奉上尊號并乾道七年加上尊號已行事理參照比擬施行詔依

七月八日修製加上尊號冊寶都大主管所奏降玉二塊重一十三斤一兩面長一尺一寸濶七寸高五寸八分并碧鈕石玻璃並付中書省工房下工部文思院造製

七月十七日試尚書禮部侍郎兼權尚書工部侍郎趙

雄言椽將作監文思院上界申修製加上光堯壽聖憲
天體道太上皇帝尊號玉寶禮官討論範樣大小製度
玉冊一鈕約廣四寸九分厚一寸二分盤龍鈕今勅作
匠先次造到燔龍鈕草樣隨狀見到伏乞朝廷詳酌速
賜指揮降下以憑施行詔依

七月二十五日光堯壽聖憲天體道太上皇帝加上尊
號書撰冊文官兼禮儀使差右丞相業衛充壽聖明慈
太上皇后加上尊號書冊撰文官差參知政事龔茂良
充光堯壽聖憲天體道太上皇帝壽聖明慈太上皇后
加上尊號篆寶官差簽書樞密院事李彥穎充

續在詔
旨右丞

相業衛已罷禮儀使參知政事龔茂良太上皇后尊
號書撰冊文官參知政事李彥穎太上皇后尊號篆寶

文官差簽書樞
密院事王准

八月十一日禮部言已降指揮奉上光堯壽聖憲天體道太上皇帝壽聖明慈太上皇后尊號冊寶除已條具申請外本部今有冊寶合行事件申請下項 一勘會已降指揮尊號冊寶係冊寶兩副今欲每冊寶下各合差撥擊輦官二十四人每冊一十二人每寶一十二人傳唱人員一名并擡擊香案二副共合差輦官八人通共差輦官五十八人人員二人在內及執擎沿冊寶法物冊寶紫行馬燭籠等天武官五十人管押人員二人在外并接衛親從官一百人人員二人在外接衛傳唱街仗司前期差撥人員在外並乞不皇城司御輦院殿前司左右金吾街仗司二十人人員二人在外差播前期赴部指說教習祇應所有親從官輦官合服襖衫腰

帶骨朶等并天武官街仗司合服著法衣所執仗子并
逐人合帶勅入殿門號等並令逐處一面據所差人數
闕報合屬去處闕借 一所有今來皇帝詣德壽宮躬
行奉上尊號冊寶之禮比之日前冊寶事大體重今來
係冊寶二副每冊寶一副共合差捧冊寶職掌一十八
用合差大人冊案寶案各二人冊寶案席褥各二人兩
副冊寶共合差捧冊寶職掌二十人捧冊寶案職掌共
八人席褥職掌共四人并主進中嚴外辦解嚴牙牌職
掌二人並于禮部主令已下選差如不足于祠部主客
膳部人內差撥所有逐人合服降公服乞下祇候庫日
下闕借其所帶入殿門勅號乞下皇城司依數闕借
一合用引導燭籠共一十六隻係每一腰輿用燭籠四

隻并合用點燭令文思院製造如至日合用點照燈燭
乞下皇城司關請 一勘會今來奉上尊號冊寶及宿
衛日欲令文思院逐作令各差手高工匠二人權借入
殿門牌號隨逐冊寶祇備緩急修整遇夜量留人數許
于捧冊寶職掌幕次內守宿詔依

八月二十三日兵部言准都省批下左右金吾衛仗司
申今來已降指揮加上尊號冊寶用黃麾半仗二千四
百一十五人合卓立大旗三十四口緣今來係是導引
太上皇帝冊寶前去德壽宮祇應所有大旂三十四口
旗下合用守旂軍兵一十七人共五百七十八人即未
敢依舊于殿門外卓立排設今欲乞止用大旗二十口
將一十口卓立在麗正門裏殿門外排設內一十口赴

德壽宮門外卓立應奉亦係前一日卓立依例各量留人兵一十人將官一員守宿看管其餘一十四口守旗軍兵共二百三十八人盡數執擎儀仗導引庶幾不致稀少後批送兵部太常寺看詳申尚書省今具下項本部欲依逐處看詳到事理施行 一太常寺申契勘合卓立大旗三十四口本寺今看詳欲乞令左右金吾街仗司預期前去德壽宮門外相視地步至隨宜排設不得有礙導尊跪冊寶車駕經由道路所有德壽宮門外排設不盡大旗並令于麗正門裏殿門外盡數排立施行 一左右金吾街仗司申依太常寺已看詳事理于德壽宮前相視地步委是窄隘難以盡數卓立今看詳欲將大旗三十四口內一十口于德壽宮前隨宜卓立將

五口卓立在德壽宮門外已東至城門將五口卓立在望仙樓河東岸德壽宮墻下即不碍導引冊寶車駕經由道路其守旗軍兵人數依舊外於內量留軍兵一十人將官一員守宿看管其餘大旂二十四口依例于麗正門裏殿門外卓立所有每口旂下依旂軍兵一十七人內止用一十人守旂每口旂退下軍兵七人共一百六十八人盡數執擎儀仗導引排立庶得不致稀少及乞依例量留軍兵二十四人將官一員守宿看管詔依九月三十日禮部太常寺言勘會已降指揮依禮例皇帝率百僚詣德壽宮奉表牋恭請加上尊號係學士院修撰表牋進書訖降付御藥院及報太常寺下太史局擇日具申朝廷以俟車駕詣德壽宮今准學士院公文

今來加上尊號表牋修撰書寫已于今月十三日進呈
乞降付御藥院施行訖尋據太史局申選用閏九月七
日乙卯吉十月戊午吉詔用九月七日

閏九月七日車駕詣德壽宮奉表牋恭請加上光堯壽
聖憲天體道太上皇帝尊號表皇帝臣慎表臣言伏惟
光堯壽聖憲天體道太上皇帝聖壽無疆來年七十謹
率羣臣詣德壽宮恭請加上光堯壽聖憲天體道太上
皇帝尊號者伏以璇穹錫羨介慈極之修齡寶冊勤崇
增鴻名之茂典望嚴宸而稽首罄廣寓以傾心臣誠惶
誠懼頓首頓首臣聞道大難形德隆必壽超造化自然
之妙豈迹能窺驗天人相與之符以年可卜雖睿算齊
箕翼之久則令猷垂日月之明式觀古初順考列辟黃

帝發大庾之館長生僅獲于廣成唐堯蹈汾水之陽倦
勤始受于虞舜猶且敦敏徇齊載于史欽明文思紀于
書而況傳神器于未老之時享至養于已安之旦越書
契踰繩之創見宜蜚英騰茂之益章恭惟光堯壽聖憲
天體道太上皇帝陛下運濟中興體鐘上哲明謨雄斷
坐凝勘定之勳醇化懿綱丕迪泰和之治遐邇溥禹川
之澤飛潛洽文囿之恩方近衡高拱于昇平迺脫屣自
頤于間燕冲虛淡泊澄止水于宸扃兆朕希夷玩大初
于物表知恬友養貺施並臻丙丁光燭于壽躔甲子奠
羸于亥首彼孔氏得縱心之適詎如付天下之無心顧
高辛題在位之期孰若釋寰中而遜位將闋五龍于十
紀且會三統于九章匪竭薇稱曷彰盛際欲究鋪張之

懿用殫闡繹之誠誦昕著之命言採康衢之輿誦謂篤
近舉遠蓋由性稟之仁而誠意正心莫匪日新之德經
武而恆常業修文而煥皇猷即此歸尊庶乎賓實是用
襲號榮于泰時之舊協吉卜于靈震之元躬率僚載稱
將禮雖持燹莫窮于高厚冀涓埃或益于崇深臣不勝
大願恭請加上尊號曰光堯壽聖憲天體道性仁誠德
經武緯文太上皇帝伏望洞鑒忱辭曲欲俞旨展採錯
事豈惟昭億載之上儀降嘏座祥予以對三神之丕祚
謹奉表陳請以聞臣誠惶誠懼頓首頓首謹言 恭請
加上壽聖明慈太上皇后尊號牋曰皇帝臣慎止言臣
言伏惟光堯壽聖憲天體道太上皇帝聖壽無疆來年
七十謹率群臣詣德壽宮恭請加上壽聖明慈太上皇

后尊號者伏以君尊如天既壽名之兩得坤稱乎毋宜
位號之俱崇雖云臣子之至情時乃華夷之通願臣誠
惶誠懼頓首頓首臣若稽古欣慕隆周惟太妃徽音御
家邦而有法則文王化美行于江漢以無邪此思齊所
以形大雅之篇而漢廣所以播二南之詠何幸我家之
親見增光往籍之攸聞恭惟壽聖明慈太上皇后殿下
道備河洲祥開渭涘贊仁壽躋民之化同聖神運德之
休邈日為明孰非臨照實慈興儉庸格和平茲為冠古
以超今何但由中而及外萬有千載遙觀閭範之彌新
三十六宮咸謂號榮之未稱方上帝眷無疆之歷肆嚴
君延有永之年將丕闕于高明盍並隆于持載且漢之
未央長樂豈嘗同奉于玉卮如唐之永正元和曾不對

陳于寶冊孰若具非常之慶是宜增甚盛之稱齊聖廣
淵彰成湯之內助熾昌耆艾應壽母之嘉名臣不勝大
願恭請加上尊號曰壽聖齊明廣慈太上皇后伏望特
屈謀光勉從衆志居域中而大者四庶並行高厚之功
王天下而樂者三冀長奉庭闈之養謹奉牋陳請以聞
臣誠惶誠懼頓首頓首謹言文武百僚立班再拜並如
儀

閏九月八日德壽宮降詔不允言蓋聞有大德者必得
其名必得其壽顧惟不逮何以與此賴天地祖宗佑神
器有傳雍容燕閒獲享至養降年之永甫及從心吾子
篤于事親慶此難老躬率公卿大夫于庭階以顯號來
上懇誠之至良用歎加夫道不欲盈而貴于守冲名不

欲浮而貴于賓實矧方探希夷而遊物表樂恬淡而介
修齡則薇用之加上儀之舉豈釋累造榮之志哉其若
茲誥母勞勤請

閏九月九日詔今月十五日率百僚再詣德壽宮拜表
牋恭請光堯壽聖憲天體道太上皇帝壽聖明慈太上
皇后加上尊號其儀範並依七日禮例施行

十五日詔
為直兩改

川十七日
來表牋

閏九月十七日車駕詣德壽宮率百僚奉表牋恭請加
上光堯壽聖憲天體道太上皇帝表曰皇帝臣慎上表
臣言近率群臣上表恭請加上尊號曰光堯壽聖憲天
體道性仁誠德經武緯文太上皇帝伏奉答誥未賜俞
允者修千二百歲而為皇時甫周于七秩觀三五六經

而建號慶允屬于雙親事冠古今喜均家國謂俞音之
亟下何謙柄之猶持率額群心游于睿聽臣誠惶誠懼
頓首頓首臣聞仁由乎性斯能博施以無為德本乎誠
乃可徒行而不息經武故一怒而安天下緯文故七旬
而格有苗偉哉四事之兼展矣百王之冠飛英聲而騰
茂實當陳漢家掌故之儀因壽歷而播鴻名更邁唐帝
唐乾之冊恭惟光堯壽聖憲天體道太上皇帝陛下心
潛博大身濟艱難方垂衣而視天民乃褰裳而陋神器
享國獲寅恭之報延年昭安樂之功春秋何止于八十
甲子正踰于四百視陶唐巽位之載固可萬斯小周室
卜年之期徒能十此允謂生民之未有豈特古來之所
稀匪行徽稱孰彰榮遇非不知功成弗處道廣難名縱

一千年于尊崇乎何有矧知八字在揚厲以尤疎然而天神之佑不可虛華夏之心不可遏伏望沛然出令許以涓休設黃麾于大庭鏤白玉之新牒上德不德以有德祇勉副于輿情屢書特書不一書將繼修于慶禮謹再奉表陳請以聞臣誠惶誠懼頓首頓首謹言 壽聖明慈太上皇后尊號牋曰皇帝臣慎上牋臣言近率群臣恭請加上尊號曰壽聖齊明廣慈太上皇后伏奉光堯壽聖憲天體道太上皇帝答誥未賜俞允者尊同太極方偕難老之祥慶展中闡併行殊常之號庸祇修于茂典迺尚闕于俞音處輸億兆之心冒貢再三之請臣誠惶誠懼頓首頓切以富有天下順莫大于事親德為聖人名必由于得壽惟慈壺迺二南之化則休符膺百

福之全輔觀芳猷登載彤史有邵妃警實絲在位之期
大如嬪文爰格與齒之瑞若時具文允軼前聞恭惟壽
聖明慈太上皇后殿下道本靜專性鍾懿淑憂勤輔佐
翊災運以龍興恬淡冲虛裕清衷于燕適脫躡贊謀於
與子含飴享樂於弄孫屬璇穹錫羨于堯年罄絲宇騰
歡于封祝將大昭于懿範願並上于徽稱謂齊日月之
明者以臨照為光而廣天地之慈者以施生為本母道
有光于今昔父慈斯顯于遐邇顧賓賓以既宜何搗諫
之猶確猶乾坤之大美有在不言然臣子之微誠豈容
但已匪舉彌文之盛曷臻廣愛之形伏願曲順與情亟
膺顯冊巍巍蕩蕩符帝德以難名怡怡愉愉奉親惟而
彌永謹再奉牋陳請以聞臣誠惶誠懼頓首頓首謹言

閏九月二十一日詔恭請光堯壽聖憲天體道太上皇帝壽聖明慈太上皇后加上尊號恭奉誥允可令學士院降詔仍用十月五日宣布允誥曰封章狎至欽愛交隆粵紹興內禪之初已肇稱于盛禮暨乾道躬郊之後復申講於慶儀幸天畀于壽康獲日安于榮養俾耆而父受祉既多若聖與仁則吾豈敢乃輯廷申之儀游勤法駕之臨喜父母之年可知觀天人之際允若謂方衍無窮之算顧難辭甚盛之名雖溢美多兩喜之年言義固當避然榮懷尚一人之慶理實相因其順衆心以光孝治

閏九月二十二日禮部太常寺言勘會今來加上尊號合修製寶二鈕一鈕欲乞以光堯壽聖憲天體道性仁

成德經武緯文太上皇帝之寶二十二字為文一鈕乞
以壽聖齊明廣慈太上皇后之寶一十二字為文詔依

中興禮書第一百八十五卷

嘉禮十三

奉上太上皇帝尊號冊寶五

淳熙二年十月五日文武百僚赴文德殿立班聽宣布
手詔如儀詔曰錫九疇之福而曰壽曰康亶敷言于帝
訓有四海之富而得名得位丕佑命于天申胥同率土
之心仰篤嚴君之慶光堯壽聖憲天體道太上皇帝剛
健純粹徽柔懿恭以德行仁本性誠之固有修文偃武
合經緯之自然巽位當七十載之期敬休獲萬億年之
報壽聖明哲慈和靜專月齊日以得天而能久照坤順
乾而配地是以廣生念非昭揭于鴻名何以對揚于鉅
典且堯壽獨高于五帝時則有放勳之稱而魯邦僅列

于諸侯尚能歌燕喜之頌矧子天下之養逢此古來之
稀是宜稽紹興乾道之已行予以補兩漢之唐之未備
博採群公之議度申再駕之恭將祇迓于春祺庸對敷
于寶冊一言以蔽固難形盛德之日新萬壽無疆蓋欲
輯曠儀而歲講式揚明命前詔多方庶令奸善之民體
我事親之孝光堯壽聖憲天體道太上皇帝宜加上尊
號曰光堯壽聖憲天體道性仁誠德經武緯文太上皇
帝壽聖明慈太上皇后宜加上尊號曰壽聖齊明廣慈
太上皇后其令有司詳具儀注朕當親率群臣詣德壽
宮奉上冊寶故茲詔示相宜知悉

十月六日詔用十一月一日冬至加上光堯壽聖憲天
體道太上皇帝壽聖明慈太上皇后尊號冊寶用十二

月十七日立春行慶壽禮其合行事件令禮工部太常寺疾速施行

十月八日參知政事龔茂良李彥穎簽書樞密院王淮等言恭覲已降詔旨光堯壽聖憲天體道太上皇帝聖壽無疆新歲七十用十一月一日冬至日加上光堯壽聖憲天體道太上皇帝壽聖明慈太上皇后尊號十二月十七日立春行慶壽之禮臣等備位政府不勝忭喜欲依慶典備上壽禮物投進以表臣子區區之誠如蒙聖慈允許所有使相亦乞許令進奉取進止詔依

十月十二日詔冬至百官朝賀拜表為行奉上尊號冊寶典禮權免一次其合詣德壽宮拜表稱賀用前一日先是禮官劄子勘會昨乾道七年正月一日加上尊號用

寶禮例大慶殿先行發冊寶禮例太傅以下步導步從冊寶至祥曦殿門外帷內權行安設退次宰執率文武百僚常服並服文德殿拜表稱賀正旦禮畢次大金使人入賀賜茶酒退應冊寶下行禮官並赴祥曦殿門外權設冊寶帷次易朝服以俟導從冊寶赴德壽宮行禮今來加上尊號冊寶係冬至日若依乾道七年禮例先行發冊寶畢太傅已下步導從冊寶至祥曦殿門外帷內權行安設宰執文武百僚却易常服詣文德殿拜表稱賀冬至禮畢應冊寶下行禮官再朝服導從冊寶起德壽宮行禮切恐節次未順兼百官易衣服重併次于是日未行發冊寶之禮前宰執先率文武百僚常服詣文德殿拜表稱賀冬至禮畢退易朝服以俟立班行發

冊寶之禮又恐于禮未專欲于前一日宰執先率文武百僚詣文武德殿拜表稱賀冬至禮至日大慶殿專行發冊寶之禮庶得儀注具備故有是詔續准十九日詔已降指揮冬至前一日百官詣德壽宮拜表稱賀恭承太上皇帝聖旨特令免赴

十月十三日禮部太常寺言勘會昨乾道七年加上尊號冊寶行禮官數內侍中一員奉光堯壽聖憲天體道太上皇帝寶并讀寶及奉壽聖明慈太上皇后寶中書令一員奉光堯壽聖憲天體道太上皇帝冊并讀冊及奉壽聖明慈太上皇后冊及侍中一員詣太上皇帝御座前承旨并宣答及奏禮畢今簽照已降指揮侍中與中書尚書二令可並削去以左右丞相充其位所有今

來加上尊號冊寶欲乞將侍中窠目改稱左丞相中書
令窠目改稱右丞相候今降指揮下日於行事官窠目
并儀注內修定申請施行詔依

十月十四日禮部太常寺言勘會將來加上尊號冊寶
依禮例合用儀仗鼓吹導引排立并大慶殿德壽宮各
合宮架大樂等今具申請事件下項 一將來合用儀
仗鼓吹導引排立檢照乾道七年加上尊號冊寶係用
黃麾角仗其鼓吹係用二百三十六人今來兵部已承
指揮用黃麾半仗人數陪多所有鼓吹自大慶殿導引
發冊至德壽宮係于儀仗內前連後次作樂若依乾道
七年所有人數委是樂聲前後不相應接今比附乞用
法駕半部五百三十四人分前後部作樂導引所貴鼓

吹與儀仗導引相應其所致鼓吹令二人外其餘人數
依例下殿前馬步三司借差雜攢樂人充一將來加
上尊號用寶依禮例日大慶殿發用并德壽宮奉上用
寶行禮合用宮架樂檢照乾道七年加上尊號用寶例
用宮架樂三十六架樂正樂工共一百一十三人今來
加上尊號及慶禮事體至重今欲乞依大禮例用四十
八架樂正樂工共用一百八十八人庶得禮樂足備
一所有大樂依例係于太常寺教習鼓吹係就黃院擺
搜教習欲乞止教習五日詔依

十月十七日太常寺言勘會已降指揮今來加上尊號
用寶依前禮例前三日奏告天地宗廟社稷景靈宮宮
觀諸陵攢宮合差官并于十月二十七日絕早赴逐處

齊宮致齋

內宰執于都堂致齋

至二十八日行事畢退詔依

皇朝通志卷三

十月十八日禮部太常寺言勘會乾道七年禮例至日德壽宮先行加上尊號冊寶禮俱畢文武百僚朝服拜牋賀太上皇后禮畢皇帝服靴袍就宮中賀太上皇帝太上皇后正旦禮如宮中之儀所有今來加上尊號冊寶禮畢文武百僚拜牋賀太上皇后皇帝賀太上皇帝太上皇后冬至禮欲乞並依上件禮例施行詔依十月二十二日工部言據文思院上界申本院修製加上尊號冊寶并沿用寶等法物數內玉檢牌碾造尊號字文係二十二字其玉檢牌長七寸黍尺難以一行碾造尋會到太常寺禮直官稱昨乾道七年加上太上皇帝尊號寶文係一十四字係作三行書篆今來加上尊

號寶文計二十二字係作四行書篆所有玉檢牌係高
七寸尊號字數難作一行碾造兼于禮文即無該載字
行數之文合隨宜作兩行碾造乞行下太常寺指定本
寺指定欲依文思院所申事理施行詔依

十月二十三日御史臺閣門太常寺言已降指揮加上

光堯壽聖憲天體道性仁誠德經武緯文太上皇帝壽
聖齊明廣慈太上皇后尊號冊寶其行禮儀注乞令御

史臺閣門太常寺參酌修定申請施行今修立到儀注

伏乞朝廷參酌指揮施行詔依

伏乞朝廷參酌指揮施行詔依
內除侍中改稱左丞相
中書令改稱右丞相
外

德壽宮傳者不入性使升殿及傳太上皇帝聖旨有司
元請用寶皇帶只
四拜詳加于散

中興禮書第一百八十六卷

嘉禮十四

奉上太上皇帝尊號冊寶六

十月二十三日尚書省劄子太常寺言勘會十一月一日大慶殿發冊寶令將已定儀注別行修立其日冊寶于大慶殿上帳內安設前皇帝自御帳詣殿上褥位西向立冊寶降殿詣當中置定皇帝步從階自西階詣殿下當中北向立皇帝兩拜百窠伺舉冊至位次太傅至受冊寶位太傅俛伏跪措笏皇帝指大圭躬以冊授太傅皇帝執大圭直身立次奏請皇帝以寶授太傅并授太上皇后冊寶並如上儀訖皇帝南向立冊寶由宮架東出禮儀使奏禮畢皇帝升東階入帳禮部郎中奏解

嚴訖退劄付太常寺依所申施行

先是朝廷其此儀注做迎訖劄下

十一月一日冬至麗正和寧門並宮殿門並早二刻開

文武百僚詣大慶殿依儀立班

班攝石玉相參知政事李

尚書樊洗攝

少頃皇帝服通天冠絳紗袍出幄於殿上

西向立用寶降殿下當中用東寶西設定

西階下用寶攝位不曾設

前導皇帝從用寶降西階至殿下皇帝面用立用寶下

官俱詣東階褥位立皇帝再拜皇太子以下並再拜訖

舉用官舉太上皇帝用至皇帝褥位前引太傅詣受用

位俛伏跪稽首奏請皇帝稽大圭躬以用授太傅太傅

受用訖皇帝執大圭直身立次授太上皇帝寶并受太

上皇后用寶並如上儀用皇帝南向立太傅復位舉用

寶等官舉用寶進行由宮架樂東出禮儀使奏禮畢用

寶出殿門輦官捧升腰輿依儀導從至德壽宮皇帝自後殿服執袍乘輦至德壽宮大次降輦傳旨冊寶不入帷便升殿御藥陳子常傳太上皇帝聖指可指揮有司免讀冊寶皇帝只四拜次舉冊寶官舉太上皇帝冊寶升殿于殿上當中南向冊北寶南前後置于案設皇帝北向褥位于其後次舉太上皇后冊寶升殿內侍省官傳奉入宮太傅并舉太上皇帝冊寶等官并在殿上之西東向重行立舉太上皇后冊寶等官便降階歸本班少頃皇帝自大次服通天冠絳紗袍前導官前導皇帝入小次禮儀使奏請皇帝恭行加上光堯壽聖憲天體道性仁誠德經武緯文太上皇帝壽聖齊明廣慈太上皇后尊號冊寶之禮奏訖前導官前導皇帝升殿西向

立太上皇帝出宮禁衛等應奉官起居訖前導皇帝詣
 北向禱位再拜躬身奏聖躬萬福訖前導皇帝詣東壁
 禱位立皇太子以下並橫行北向四拜起居訖分東西
 立次引攝太傅參知政事龔茂良於折檻前皇帝禱位
 之西向位立次舉用官揖笏跪開用匣舉用攝右丞相
 簽書樞密事王淮揖笏跪舉用官便合用匣右丞相執
 笏俛伏興詣殿上西壁立舉用官降西階歸本班次引
 舉寶官揖笏跪開寶盃舉寶攝左丞相吏部尚書蔡洸
 揖笏跪舉寶官便合寶盃左丞相執笏俛伏興次太傅
 以下俱降西階歸本班前導皇帝禱位之西北再拜躬
 身致詞曰皇帝臣稽首言伏惟光堯壽聖憲天體道性
 仁誠德經武緯文太上皇帝陛下壽同天永德與日新

典冊揚徽華夷賴慶次左丞相承旨宣答曰光堯壽聖
憲天體道性仁誠德經武緯文太上皇帝聖旨皇帝迎
陽展采鏤燦榮親何幸吾身屢觀盛事宣訖前導官前
導皇帝西向立次皇太子已下再拜稱賀致詞曰皇太
子臣某等稽首言伏惟迎日之長載受鋪張之冊邦家
大慶臣庶同歡左丞相承旨宣答曰光堯壽聖憲天體
道性仁誠德經武緯文太上皇帝聖旨儀物充庭簪紳
在列名雖予德慶則汝同又再拜蹈舞訖太上皇帝降
座皇帝後從入宮恭行加上壽聖齋明廣慈太上皇后
尊號冊寶及稱賀並如儀次執政官文武百僚並就德
壽宮殿下拜表稱賀太上皇后訖以俟皇帝服靴袍乘
輦還內

光堯壽聖憲天體道性仁誠德經武緯文太上

皇帝冊文

惟淳熙二年歲次乙未十有一月戊申朔日南正皇帝
臣慎謹稽首再拜言曰臣聞壽者古今之所稀名者聖
賢之所貴故洪範以首五福三王必先令問然而壽不
可以得名不貴苟傳有壽之道有名之實則玩永年都
顯號豈非宜哉天佑我家慶鍾慈辰誕受丕址保有耆
艾歷選列選亶為難逢而惟稱形容未滿事實何以侈
閑休對景既頌無疆詔永久也稽合衆善增光鴻名其
曷可已恭惟光堯壽聖憲天體道太上皇帝陛下道侔
兩儀勲高百王粵在位三十有六載以好生為心博愛
為度惟矜惟軫保惠我民寬大慈祥發于政令澤流無

琅施及動植涵養之效甚深至厚况乎淵懿篤實精三
執中孝弟通和神明言行著為法則體乾之健得損至
蓋凡所以躬行而允蹈者皆治國平天下之本也厥初
艱難經營四方威行如神畧不出世我車親駕江海清
廟偏師所向莫我敢拒宏濟丕業是開中興乃橐弓戢
干柔遠治內崇教化興禮樂闡庠校延儒雅宸章昭回
聖學緝熙垂制作憲跨漢軼周猗歟冠哉功成不居脫
屣萬乘遵遊自然之勢恬淡無為之場安樂延年脩道
全美殊尤高致實始創見昔在帝堯其仁如天其德廣
運著見事業是為武文得年彌高獨冠五帝壽雖在天
翳人之為若稽孔氏之訓皆本仁德而言惟我君親安
安于仁純于德故動而有為則戡定之烈化成之治靜

而致福則厯洪是荷難老是錫於是有光于堯協我之
 旨矣當春祺之攸介仰睿齡之方永縱心物表超然蒸
 寧三靈協扶萬宇欣載臣以菲質膺付託之重親承至
 養宜有以歸美萬一載惟尊稱雖已極其崇大若夫鋪
 而彰之固將有加無斁陽來于子適臨朔旦景長茲始
 生不窮爰即令辰茂揚禋典所以順天正篤親慶也夫
 仁自天稟率由而行非性仁乎德以日新悠久不息非
 誠德乎武有七德耆定其始非經武乎文洽四國事昭
 厥成非緯文乎臣不勝大願謹奉玉冊玉寶加上尊號
 曰光堯壽聖憲天體道性仁誠德經武緯文太上皇帝
 欽惟陛下與天為徒與物為春不導引而長生參造化
 其難名于千萬年然我後之人臣誠歡誠忭稽首再拜

謹言

壽聖齊明廣慈太上皇后冊文

維淳熙二年歲次乙未十一月戊申朔日南至皇帝臣
慎謹頓首再拜言曰臣聞德大者必大其壽孝至者必
尊其親若稽五福之先與夫三樂之首登載簡冊其難
並逢在昔蒼姬厥享國久長身若榮安燕及內德時則
有文王尊事王季思齊之雅亦美大任武王繼之尊事
文王十亂之功猶推大姒矧惟千載而下天壽平格父
子天子母于天下無疆之祉中外同休將衍鴻名仰摹
乾^造豈翳慈極獨我不稱哉恭惟光堯壽聖憲天體道太
上皇帝以太極為德篤生兩儀以自然為宗垂法至道
粵自脫屣區夏頤神穆清上帝與齡其寧惟永濟堯在

位之載卜周如山之壽實惟我壽聖明慈太上皇后靜
專莊正淑哲懿和作儼宸闈常修陰教二南化成首贊
高蹈爰生少廣以虞大庭濟登修年偕享丕慶視周任
如亶克有光臣以冲昧躬嗣大寶自承慈訓每惟坤載
之厚非無至哉之稱必假文言始彰大美自都顯號一
再于茲言念登閱未殫揚厲肆因壽嘏式重堯華併舉
徽彰以崇文母鋪宇宙擬諸形容惟日月照臨以明為
惟德天地生育以慈為心月朔日而運其明斯齊地承
天而行其慈斯廣古今言常久而不已者又何加以天
地日月與臣不勝大願謹奉玉冊金寶加正尊號曰壽
聖齊明廣慈太上皇后伏惟殿下仰同希有之慶俯受
莫大之名後天難老如川方增純懿景鑠詒厥後昆臣

誠歡誠忭稽首再拜謹言

十一月十一日臣僚劄子奏臣恭惟太上皇帝聖壽無疆年登七十為古今希有之慶陛下躬率百僚加上尊號乃涓吉日丕藏盛德先是陰雲四凝寒氣感發暨冬至朔旦清蹕肅行恭奉冊寶天地休明雲彩絢爛日景晏溫和氣薰洽萬姓瞻望莫不騖欣鼓舞以為聖孝感通蒼穹鑒格非特顯陛下業事親之誠抑可卜太上皇帝永永萬年之慶臣切惟春秋傳載魯僖公之合禮夫五年朔南至公既視朔遂登觀臺以望而書左氏深善僖公之合禮夫至朔同日凡十九年而一遇由古以來不知其幾登臺書雲此見之矧惟今日行曠古無前之典禮而人心雖奮天意昭答雲物輝華此又生民以來

所未有也可無書乎兩宮寶牒當與六經並傳縹緗典之行必且登載史筆惟是休祥之應或未備書臣愚欲望聖慈宣示館史以侈二聖對天之休以昭一時孝治之盛臣不勝惓惓詔宣付史館

同日禮部太常寺已降指揮用今月五日百僚詣文德殿拜表稱賀准十一月四日詔令有司別行擇日今據太史局申宜用十二月二日己卯吉五日壬午吉詔用十二月五日

十二月三日太常寺言加上尊號冊寶禮畢用十二月五日百僚詣文德殿拜表稱賀今月二日奉聖旨傳宣閣門今月五日車駕詣德壽宮起居綠是日係百僚詣文德殿拜表日分欲乞麗正門并南宮門及合經由門

戶並比常日早一刻開放令合赴拜表官赴赴拜表訖
內合從駕官徑赴後殿以俟從駕其合赴迎駕起居官
出和寧門徑赴逐幕次以俟迎駕起居詔依

中興禮書第一百八十七卷

嘉禮十五

奉上太上皇帝尊號畢慶壽

淳熙二年十一月十三日禮部尚書趙雄太常少卿顏度等劾會已降指揮太上皇帝聖壽無疆新年七十用十一月冬至加上尊號冊寶十二月十七日立春行慶壽禮今年已行加上尊號冊寶之禮所有行慶壽禮今檢照大慶禮成車駕詣德壽宮行上壽飲福稱賀禮係常服簪花用樂上壽今欲乞依上件禮例其合行事件令有司各行參酌條其申請施行詔依

十一月十六日趙雄顏度等又言恭奉已降詔旨太上皇帝聖壽無疆新年七十立春日行慶壽禮緣上件典

禮稽諸載籍亘古未有自非禮之致美無以彰明盛典
伏觀聖節大宴皇帝再生簪花今來事體比之大宴尤
至重欲參仿上件禮例是日皇帝自內服靴袍至德壽
宮大次簪花行慶壽禮庶幾稱至尊仰奉慈顏之意詔
依

十一月十七日皇帝少保靜江軍節度使充醴泉觀察
使恩平郡王據奏伏覲詔書光堯壽聖憲天體道性仁
誠德經武緯文太上皇帝聖壽七十就立春日欲展盛
儀臣欲詣闕庭以陪班列奉觴稱壽非唯少見臣子奉
上之意抑亦輔成聖孝之隆伏望睿慈俯從其請詔免
列闕

十一月十九日皇子雄武保寧軍節度使開府儀同三

司判明州軍州事兼沿江制置使魏王愷奏臣恭聞今
月一日太上皇帝太上皇后加上尊號臣限以守符在
外不及躬預補賀之列茲者慶壽在近臣願得造詣闕
庭捧觴陳慶而況臣久違侍側亦願一瞻天表少慰區
區慕戀之私伏望聖慈特賜俞允詔免赴

同日祇候庫藏勅會已降指揮德壽宮行慶壽禮係常
服簪花用樂上壽本庫合排辦花朵今欲乞依大禮回
鑿例支散除宰執親王給賜羅花文武百僚并諸色祇
應人給賜絹花乞令文思院疾速製造準備將來給賜
詔依

十一月二十五日禮部太常寺言今參酌條具到申請
事件 一今來慶壽行禮皇帝祇賀詞并太上皇帝宣

答詞乞令學士院修撰 一行禮儀注乞令御史臺閤
門太常寺參酌修定申請 一行禮合差官乞令太常
寺具窠目申中書省降勅差官 一所有合設大小次
欲令儀鑿司計會所屬釘設排辦 一行禮日欲乞是
日和寧門並北宮門及德壽宮門並比常早一刻開
一行禮日欲乞百司作休務假并次日作歇泊假休務
假詔依

同日御史臺閤門太常寺言今參酌條具到申請事件
一今來慶壽行禮日欲乞是日皇太子并從駕文武百
僚及應奉官禁衛等并德壽宮官並常簪花
皇太子并
從駕官禁
衛等並簪
花 一欲依天申聖節上壽禮文武百僚并
應奉官司赴德壽宮習儀令太常寺于行禮前期定日

闕報所屬依例作休務假 一今欲乞是日不係從駕
官並常服簪花先赴德壽宮門外迎駕起居訖以俟立
班詔依

同日閤門言立春日慶壽禮令契勘逐郊大禮慶成車
駕詣德壽宮上壽飲福稱賀係用武臣保義郎以上并
三衛員僚立班欲乞依上件禮例施行詔依

十一月二十六日禮部尚書趙雄太常少卿顏度言檢
照國朝會要車駕出奏樂緣上件慶典亘古未有自非
禮儀詳備無以副中外歡愉慶忭之誠欲乞慶壽行禮
日車駕往回並皆用樂詔依

同日禮部尚書趙雄太常少卿顏度尚書禮部員外郎
范端臣太常丞黃洽太常博士許蒼舒言勘會十二月

十七日立春行慶壽禮今欲乞至日俟慶壽禮畢皇帝
皇太子入賀太上皇后並如宮中之禮執政率文武百
僚拜牋賀太上皇后畢退擇日詣文德殿拜表稱賀其
合牋表乞下禮部修撰詔依

太史局選用十二
月二十一日戊戌

淳熙二年十二月五日太常寺言令其合差官下項愛
盤盞奉酒躬進皇帝欲乞差參知政事復受盤牋欲乞
差參知政事承旨宣制欲乞差簽書樞密院奏禮畢欲
乞於侍中官內差官殿中監以盤盞受參知政事并盞
復受盞殿中少監以酒注于盞欲乞于侍從兩省官卿
監內差官前導太常卿欲乞差本寺少卿贊引太常卿
太常博士伏乞降勅差官施行詔依

十二月七日御史臺言十二月十七日立春行慶壽禮

本臺今檢照會昨來大禮慶成車駕詣德壽宮上壽飲福稱賀禮文臣仁用應釐務通直郎以上及行在見任寺監主簿承務郎以上職事官赴赴立班切緣今來行慶壽禮事體至重其立班官欲乞用通直郎以上及行在見任寺監主簿承務郎以上職事官赴赴于殿門內外隨宜立班詔依

同日御史臺閤門太常寺言勘會十二月十七日立春行慶壽禮今參酌修定到儀注伏乞朝廷詳酌指揮施行詔依

十二月九日詔恭奉太上皇帝聖旨今來慶壽應內外文武臣僚進奉禮物并功德疏香合等並免投進十二月十二日禮部尚書趙雄太常少卿顏度言勘會

十七日立春行慶壽禮簪花用樂上壽緣上件禮稽載籍亘古未有自非禮文致美無以彰明盛典伏觀乾道六年天申聖節皇帝率文武百僚詣德壽宮上壽畢次日賜御筵于貢院今來慶壽比之壽節事體尤重俟行慶壽禮畢欲乞擇日賜御筵于貢院仰稱至尊敬奉慈親之意所有應合行事件令有司各行條具申請施行

詔依

于十七日入內侍省奏今月十七日行慶壽禮畢

管諸司官

及差取人物品置辦合行事件今取聖旨詔恭承太上皇帝聖旨先賜御筵

十二月十三日閣門言奉聖旨今月十七日敕書內中降出應在內諸門並照常早二刻開文武百僚簪花立班默燭宣赦百僚許出和寧門赴德壽宮立班車駕詣德壽宮行慶壽禮

同日詔已降指揮立春日詣德壽宮慶壽從駕臣僚禁
街等往回並簪花外所有諸司百官及入從等亦許令
簪花仍並依免郊祀大禮畢恭謝回體例施行
十二月十七日麗正和寧門南北宮門早二刻開文武
百僚簪花赴文德殿立班聽宣慶壽赦日門下大極之
功不宰其可贊者兩儀之生大明之照無疆所能推者
千歲之至欽惟聖父誕保我家二百餘載而中天定神
器于歌側艱虞之始三十六年而宅位授朕師于康疆
暇預之時上穹綿有永之年下土洽無為之化興言菲
質日侍慈顏竭幅員之富而未足伸至養之誠極尊美
之稱而未足表難名之德茲載新于歲律庸展慶于耆
齡前殿奉危企高皇而踵武大安進膳邁正觀之彌文

鏘金奏以克庭攝臣工而在列和氣迨周于宇宙盛容
創見于古今仍內奉于母儀庸備單于子道為酒以介
眉壽具膺純古之帝立春而下寬書更廣庶民之福可
大赦天下應赦書到日昧爽以前罪人已發覺未發覺
已結正未結正並依乾道九年十一月郊祀大禮赦格
原咸令所司檢照施行其郊赦所不原咸不在今赦之
限則於戲建無窮之基則亨無窮之樂命方僕于萬
年有非常之事則侈非常之休恩盍推于四海矧羣黎
百姓夙依于覆育而耆老大夫咸自于甄陶今而仁壽
之同躋必也安瑩之共保諒爾有邦之衆知予錫類之
心赦書日行五百里敢以赦前事言者以其罪罪之空
者施行宣赦訖從駕官並赴後殿起居謝花再拜從駕

至德壽宮行慶壽禮

慶壽儀

陳設

前期儀鸞司陳設德壽宮殿門之內外設御座于殿上當中南向設大次于德壽宮門內南向小次于殿東廓西向設皇帝褥位二一于御座之東西向一于御座之南北向尚醞設御酒樽酒器于御座之東有司又設御茶床于御座之西俱稍北

上壽

其日後殿入內官唱排立俟催班立定應從駕應奉官
不係從駕官徑起趨壽宮並閤門報班齊皇帝服靴袍
簪花以俟迎駕起居出宮門門禁衛諸班親從等並迎駕自贊起居次贊謝

花兩拜

入內省執骨朵使臣迎駕帝起居謝花兩拜

皇帝坐知閣門官已下

御帶環衛官諸司詣祗應等一班開班宣名常起居次

贊謝花兩拜訖知閣門官升殿讀委目每官五返次舍人引

應從駕官一班赴當殿宣帝起居次贊謝花兩拜執政

事如儀皇太子內中起居管軍一班宣名常起居次贊謝

花兩拜訖皇帝升輦將至德壽宮文武百僚迎駕帝起

居贊謝花兩拜訖前導太常卿閣門官太常博士禮直

官並管軍玉帶環衛官等詣大次前分左右立文武百

僚入詣德壽宮殿下東西相向立俟皇帝至大次降輦

入次簾降簪花服袍靴閣門御史臺太常寺分引皇太

子已下應從駕官詣德壽殿下東西相向立俟皇帝至

大次降輦入次簾降簾降簪花服袍靴大次簾卷前導

皇帝入小次簾降

前導太常博士開門官太常博士禮直官并各軍五帶環衛官等侯太上皇

帝出宮迎

太上皇

太上皇帝出宮行門禁衛諸班親從等

迎太上皇帝自贊常起居太上皇帝升御座鳴鞭小次

簾捲前導官前導皇帝升殿東階詣殿上折檻前北向

褥位奏請拜皇帝再拜訖躬奏聖躬萬福訖又奏請拜

皇帝再拜訖前導皇帝詣太上皇帝御座之東褥位西

向立前導官于殿上隨宜立閣門御史臺太常寺分引

皇太子並文武百僚並橫行北向立舍人依皇太子以

下躬典儀曰拜贊者承傳在位官皆再拜揖笏舞蹈又

再拜訖且躬身並首不離位奏聖躬萬福訖典儀曰拜

贊承傳在位官皆再拜訖直身立分東西相向立禮直

官引捧盤盞參政受盤盞參知政事承旨宣答答書樞

密院事奏禮畢戶部尚書殿中監少監升殿東階

奉盤

知政事受盤蓋參知政事殿中監少監詣酒樽所

南向立承音宣答茶書樞密院事并奏禮畢戶部尚書

指折樞之舍人通樂人姓名已下四拜起居次看盃人

稍前贊拜兩拜贊上殿祇候內侍進御茶床殿侍酌酒

訖尚醞典御以盤蓋酒注授殿中監少監禮直官引奉

盤蓋參知政事詣酒樽所北向指笏殿中監捧盤蓋授

盤蓋參知政捧盤蓋西向立殿中監盤蓋殿中少監以

酒注于盃奉盤蓋參知政事奉酒詣皇帝前北向

受盤蓋參知政事詣太上皇帝御座前西向立定閣門御史臺太常寺分引皇

太子并文武百僚橫行北向立俟奏盤蓋參知政事躬

進皇帝奉酒詣太上皇帝御座前躬進訖少後受盤蓋

參知政事躬接訖復授奉盤蓋參知政事前導官導皇

帝詣御座前褥位北向俛伏跪殿下皇太子并百僚並躬身皇皇帝致詞曰皇帝臣慎稽首言天祐君親錫茲難老維春之吉年德加新臣慎與群臣等不勝大慶謹上千萬歲壽伏興奏請拜皇帝再拜典儀曰拜贊者承傳在位官皆再拜訖直身立禮直官引簽書樞密院事詣御座前稍東北向躬承旨詣皇帝褥位之北西向立皇帝躬身殿下皇太子并百僚並躬身簽書樞密院宣曰酌此春醪介眉壽家邦盛事允愜慈懷與皇帝并百僚內外同慶宣答訖退復位奏請拜皇帝再拜典儀曰拜贊者承傳在位官皆再拜訖直身立分東西相向立前導官導皇帝詣御座東西向立奉盤蓋參知政事以盤北向躬進皇帝訖

奉盤蓋參知政事復位立

皇帝捧盤詣御座

東西向立樂作俟太上皇帝飲酒訖皇帝躬盤接樂止
少後受盤蓋參知政事躬接訖以受殿中監殿中監以
受尚醞典御各復位閣門御史臺太常寺分引皇太子
并文武百僚橫行北向立前導官導皇帝詣禱位北向
奏請拜皇帝再拜典儀曰拜贊者承傳在位官皆再拜
訖直身立前導官導皇帝詣御座之東禱位西向立舍
人揖皇太子已下躬典儀曰拜贊者承傳在位官皆再
拜訖措笏舞蹈又再拜訖直身立內侍舉御茶床禮直
官引戶部尚書詣御座前北向俛伏跪奏具官臣某言
禮畢伏興退復位立典儀曰拜贊者承傳在位官皆再
拜訖直身立分東西相向立次舍人贊樂入謝祇應兩
拜訖太上皇帝駕興皇帝從入宮文武百僚前導應奉

人等次退皇帝皇太子入賀太上皇后如宮中之禮執政率文武百僚拜殿賀太上皇后訖以俟駕興從駕官并應奉官禁衛等並簪花從駕還內

十二月二十一日執政後殿奏事畢文武百僚詣文德殿拜表稱賀壽聖齊明廣慈太上皇后慶壽

淳熙十年十二月六日左丞相王淮等言面奉聖訓壽聖齊明廣慈太上皇后新年七十將以立春日詣德壽宮行慶賀之禮臣等恭惟皇帝陛下日奉親歡與天同久屬者太上皇帝帝常行慶典今茲太上皇后復舉威儀介福萬年曠古未有臣等不勝忭蹈欲乞躬率百僚拜表稱賀以彰聖朝尊養之永効臣子頌祝之誠取進止詔依

十二月九日試禮部尚書兼侍讀張大經等言奉聖旨
壽聖齊明廣慈太上皇后新年七十將以立春日詣德
壽宮行慶賀之禮大經等恭覩淳熙二年太上皇帝慶
壽車駕詣德壽宮行慶賀禮往回並皆用樂今來慶壽
欲乞依上件典禮車駕往回並皆用樂所有拜牋表稱
賀今欲乞是日俟皇帝入宮行慶賀禮次宰執率文武
百僚詣德壽殿下拜表稱賀太上皇帝次移班拜牋稱
賀太上皇后次日宰執率文武百僚詣文德殿拜表稱
賀皇帝次移班拜牋稱賀皇后其合用牋乞下禮部修
撰詔依

同日御史臺閣門太常寺言勘會已降指揮太上皇后
新年七十以立春日車駕詣德壽宮行慶賀之禮宰執

新年七十以立春日宮中行慶賀之禮臣等欲備上壽
禮物于當日詣德壽宮投進使相亦乞許令進奉取進
止恭奉太上皇帝聖旨免進奉

十二月十三日國子監據太學學錄生李裕等武學學
正學生賴嘉猷等狀恭覲壽聖齋明廣慈太上皇后新
年七十皇帝將以立春日德壽宮行慶賀之禮宰執等
拜表稱賀伏覲屬者太上皇帝聖壽七十學行慶典學
校諸生已常拜表稱賀今茲復講盛儀是誠希濶之裕
等久陶教育不勝忭蹈率諸生拜表稱賀以申臣子祝
頌之誠本監照得李裕等所懇之誠有不可遏未敢輒
行緘奏伏候指揮詔依

十二月十四日內侍殿頭張永奉聖旨傳宣閣門今月

十六日車駕詣德壽宮行太上皇后慶壽宮中之禮進
早膳應從駕臣僚逐幕次賜食畢從駕還內應有合行
排辦事件疾速施行如值雨應從駕臣僚并儀衛並許
張雨具

十二月十六日應從駕及應奉官禁衛等並赴後殿起
居不係從駕官並赴德壽宮門外迎駕起居皇帝服靴

袍出宮乘輦

樂人

詣德壽宮至殿上降輦入宮簪花行

慶太上皇后壽如宮中之禮皇太子從入宮

奉官等並

得次御史臺閣門太常寺報引宰執文武百僚入詣德

壽宮殿下立班拜表稱賀太上皇帝

花接表入進 次

移班稍東拜表稱賀太上皇后

花接表入進 是日制

曰朕荷太上之燕謀承至尊之休德順稽帝道丕迪重

華之徽演賴母儀晉洽二南之化惟天純祐侈國多祥
皇年方衍于萬春甲歷曩登于七秩奉危介壽嘗祇闡
于闕休含飴保和茲繼符于昌算繫我家之累盛軼聯
冊之前聞爰舉曠文躬伸慶禮上南山之祝永偕慈極
之隆首東秩之辰肆推凱澤之被式敦父老之儀併彰
錫類之仁應陞朝官以上祖父母父母並與加封一次
祖父母年七十以上及父母未有官封者特與官封京
官選人使祖父母年七十以上亦與官封已有官
封者與加封曾得解進士祖父母年七十以上並
與初品官婦人與封號已經官封者祖父父與轉一官
資祖母母與冠帔士庶年九十以上男子與初品官婦
人與封號以上并經所屬自陳勘會請實保明聞奏宗

子宗婦宗女年七十以上令太宗正司保明聞奏與轉官加封未有官封者特與官封士庶男子婦人年八十以上給賜束帛應人戶有祖父母父母年八十以上與免戶下一名身丁錢物臨安府迎駕起居父老年格合賜封賜外與倍賜束帛文武致仕陞朝以上官年七十以上並與依格支賜羊酒束帛內曾任大中大夫觀察使以上仍與倍賜長吏治禮應給賜物並令長吏差官實行就賜不得呼集煩勞徒為具文文臣致仕官朝奉大夫以上年七十與賜紫章服選人使臣年七十以上願致仕者于合致仕官上與轉一官大學武學內舍上舍生祖父母父母年七十以上外舍生祖父母父母年八十以上並與初品官婦人與封號已經官封者祖父

父與轉一官資祖母母與官帔令經所屬自陳保明僧尼道士女冠年八十以上並與紫衣已紫衣者與師號應禁軍都虞侯以上并藩方馬步軍都指揮使祖父母父母年七十已上並與封叙已封具叙者更與加封疊慶庭闈茂對歡嘉之且均恩方夏望形愛敬之風俗爾庶邦體予至意故茲詔示想宜知悉

同日詔壽聖齊明廣慈太上皇太后慶壽七十親并本殿官吏轉一官資賞

十二月十七日宰執文武百僚詣文德殿拜表稱賀皇

帝知殿門官受表訖轉進次移班稍東拜牋稱賀皇后內侍官一員接將入

進

中興禮書第一百八十八卷

嘉禮十六

冊命皇后一

建炎元年五月四日制曰乾坤定位而萬物育日月遞照而四時行序人倫之大端必資於婦順聽天下之內治莫尚乎家齊朕嗣守慶基肇臨寰宇茂建長秋之號爰稽前代之規誕告外朝式敷羣聽嘉國夫人邢氏洵美且異淑善無違派出華宗夙啓曾沙之慶賀全碩媛載著倪天之歌居自教而歲圖動常咨於阿傳來嬪朱邸增輝皇家屬蘭馭之在行顧椒塗之虛次載念纘圖之始有懷內助之賢翟第以朝竹來歸于京邑佩玉之儻將表正于宮庭登進名位之崇昭示化風之首於戲

塗山翊夏克相神禹之功莘國興周允資大如之德庶
並受于福祿終永祐于和平尚善乃躬期協朕志可立
為皇后其合行冊禮令有司檢詳典故以聞時方巡幸
紹興十三年正月二十二日宰臣奏稽等上表乞選正
中宮表三上詔允俟懿節皇后撤几筵日取旨

二月八日尚書省言勘會今來拜表請皇帝冊后合預
行製造中宮禕衣禮服等詔令郡諤條具製造

二月十一日入內侍省押班郡諤言已降指揮中宮
禕衣禮服等令諤條具製造所有制度乞令有司討論
行下照應製造詔依太常寺討論到制度隆興二年命

皇
后
並
仿
此

冠

并以九龍四鳳者飾花十二株小花如結花不
數并博奕及合用六棟并額子冠飾上結花不

合起用一事項減空裝最造花理一併
大起冠一五項減空裝最造花理一併

律衣等五又按三新倫深青細成羅文素質五色十鄭

以不為珠實五色采為帶之五下色連今律衣通素三紗禮為

國制度其素質用素紗裏木上為連今律衣通素三紗禮為

青紗中單白細黑采以絳白為質羅敷襪羅毅其後

青領羅紗袖端也細衣離也其巾單係用深

蔽膝隨衣色以細為履為章三膝上按三禮等

純雅三行每沿行赤色也用履為章三膝上按三禮等

大帶隨月青色朱裏純其外上以朱飾下以朱飾

以練飾以青組為鈕約助紫帶亦與大帶齊其大帶

青衣草帶中合比帶附玉乘作子今合金作子事比附

造乘作

白玉雙佩

具組佩禮經玉佩製道

天綬小綬間施玉環三

其垂采等合比附乘與制度其改帶頭合用紅青

襪

為加金飾合于為上如意

同日郡誇又言已降指揮中宮裨衣禮物等合誇條具

製造今條具下項 一乞以中宮裨衣禮服等製造主

管所為名就用見領提舉皇城司印行使 一乞差承

受官一員製造幹辦官二員照管事務官一員主管文

字一名兼受給監轄書寫奏報文字一名行造文字五

人

內四人兼幹官下

并差監作五人兼秤庫子

一珠

子結頂冠并北珠大花環珠子穿玉佩裨衣塗金銀裝

釘腰輿匣衣褥幙氍全內珠子計一十萬二千五百九

十二顆

北珠二百四十顆大珠子二萬二千三百一珠

揮所屬預先修製詔依

隆興二年淳熙二年並仿此

正月十八日左司郎中兼權太常少卿王師心等言將來皇后受冊令其用樂節次曲名 皇帝發冊 皇帝升御座乾安之樂 使副入門正安之樂 冊寶出門正安之樂 皇帝降御座乾安之樂 皇后受冊 皇后出閣坤安之樂 冊寶入門宜安之樂 皇后降殿承安之樂 皇后受冊成安之樂 皇后升座和安之樂 班首引內命婦入門惠安之樂 班首引外命婦入門咸安之樂 皇后降座徽安之樂 皇后歸閣泰安之樂 其合用樂章乞先次降付學士院修撰詔依正月二十二日禮部太常寺言勘會今來百僚拜表奏請皇帝選用中宮今具合申請事件下項 一將來依

儀皇帝御文德殿發冊寶仗副受冊寶訖捧至穆清殿門外以俟皇后於穆清殿依儀行受冊寶之禮所有發冊寶欲乞依禮例御文德殿發冊寶其皇后受冊寶殿伏乞取旨施行 一依儀皇后御殿降階受冊寶合設宮架之樂於殿階下其合用樂工係儀係女工人昨宣和年間皇后行親蠶禮於殿門外設宮架之樂用太常寺樂工作樂專差內宦官傳報節次作樂所有將來皇后受冊寶未審於受冊寶殿門外設宮架之樂唯復受冊寶殿下設宮架之樂合取自朝廷指揮詔第一項令禮官同郡諤相度申尚書省取旨第二項不用女工止令太常寺於殿門外設樂餘依

隆興二年淳熙二年並仿此

正月二十八日權禮部侍郎王賞入內侍省押班群

諤言備奉詔旨皇后於穆清殿行受冊寶之禮所有受冊寶殿賞等恭依指揮相度到欲將見今常御殿權作穆清殿皇后受冊寶行禮詔依

三月十九日權禮部侍郎王賞等言勘會已降指揮修製皇后冊寶所有寶文依禮例合依皇后之寶四字為文并合差撰冊文官書冊文官篆寶文官各一員詔撰冊官文差太師尚書左僕射奏檜書冊文官參知政事萬事俟高篆寶文官差簽書樞密院事程克俊餘依三月二十一日兵部侍郎程瑀等言契勘國朝典禮冊后發冊依儀合尚書兵部帥其屬列黃麾細仗一千四百二人在於文德殿庭目今已有黃麾半仗餘步甲并執稍外有法物儀仗係一千四百九十九人其黃麾細

仗內合用儀物並未曾製造切恐趕辦不及所有將來
冊后發冊合用儀仗今相度欲權用黃麾半仗內儀仗
一千四百九十九人依儀排列詔依隆興二年淳熙
二年並仿此
三月二十四日權禮部侍郎王賞等言勘會已降指揮
御文德殿發中宮用寶合設宮架之樂同日皇后於穆
清殿受冊合用殿門外設宮架之樂欲俟皇帝御殿發
冊寶畢令太常寺蕃衮宮架樂於穆清殿門外安設畢
以俟皇后行受冊寶之禮詔依

四月四日禮部太常寺言今條具合行事件 一所有
排設宮架大樂名件人數並乞比附昨奉上冊寶禮例
排辦內宮架大樂乞下軍器所雅飾添修 一合用樂
正四人執色樂工共九十一人除差樂正并入額樂工

三十六人其餘見缺樂工五十五人今欲乞拘收守闕
樂工并曾經應奉人如不足乞行召募 一所有樂正
合服絳公服樂工合服法服乞於祇候庫闕借及樂工
入殿門令破勅號乞於皇城司闕請並候禮畢進納詔
依

四月十七日禮部言太常寺申勘會冊后依儀皇后受
冊合用中巖並外辦牙牌共二面受冊畢皇后表謝合
用表案席褥并梅花紅羅衣子欲乞令工部指揮文思
院預行修製尋取到本寺狀將來皇后受冊訖表謝畢
依儀係內侍詣皇后前跪奏稱禮畢即不合用解巖牌
所有表謝依禮例係皇后殿委官修撰書寫其表案席
褥係本寺交割付本殿合千人於穆清殿內排辦應奉

其中嚴外辦牙牌係是內侍官掌進欲乞令製造官司
俟製造畢且行收掌候差到進中嚴外辦內侍官計會

交納供仗候禮畢所有牙牌令本殿收掌詔依

隆興二年
淳熙

二年
依此

四月二十九日禮部太常寺言勘會命使發中宮用寶
合差都大主管官一員乞降勅差入內內侍省官充詔
依

同日兵部言已降指揮將來發用寶權用黃麾半仗一
千四百九十九人依儀排列今據左右金吾街仗司申
到下項 一依儀兵部帥其屬發用日合本部長貳郎
官隨儀仗入殿 一合用儀仗係殿前司差撥前十日
到部於候潮門外大教場內習儀 一左右金吾街仗

司官各差一員攝上將軍並常服押儀仗 一儀仗合

於應奉日絕早入內於殿前排設內大旗三十四口前

一日於殿門外卓立至夜量留人兵二十四人將官二

員部轄在殿門外看守 一庫部金吾司編排儀仗職

掌八人乞下祇候庫闕借幙頭公服腰帶其殿前司請

納儀仗旁頭都轄統制將官各二員並服本色 一合

用儀仗法物前三日於祇候庫闕借事畢送還 一儀

仗下祇應人並係入殿應奉其合用勅入殿門號報皇

城司闕借事畢送納 一合前一日報闕皇城司等處

放令職掌旁頭赴殿前相視排立儀仗地步標認施行

同日禮部言已降指揮將來用寶皇后令有司預先修

製用寶今有合行申請事件下項 一今來所差捧用

寶抱席褥職掌并檮擎天武庫鞞官接衛皇城親事官合著服色除鞞官親事官合服本色乞下御鞞院皇城司官請外其本部職掌合服介幘勒帛緋羅寬衫乞下祇候庫關借所有天武合著色服乞下祇候庫關借紫衫腰帶各備幘頭帽事畢送納 一文德殿發用寶至穆清殿門外所有逐處合設冊寶幄乞下儀鸞司釘設詔依

同日上謂輔臣曰數日來太后催行冊命中宮之禮朕乞太后降一指揮令外廷奉行太后再三不肯云我但知家事豈可容易降指揮於外廷耶太后知國體凡事重謹如此奏稽等奏曰太后有定命陛下奉行可也

閏四月二日制曰尊祖欽宗祭祀之共惟重齊家治國

內外之治相須顧我中宮久茲虛位太母軫深遠之慮
羣臣輪悃幅之哀宜選淑賢以光冊命貴妃吳氏發祥
云遠作合自天爰居父母之家早著孝悌之行粵從初
載實同多艱躬節儉以安行更夷儉而一志涓奉東朝
之養相予子職之修恭扶持於後先調滑甘而節適至
若警戒子夙夜益知思念之憂勤朕每息游于藝文爾
則識婦順之義朕方率由于憲度爾則惟女戒之循刑
自九重孚于四海是用稽永平之故事遵先帝之詔謀
渙號揚庭涓休歎廟於殿地承天而合德崇成生育之
功月朔日以為明丕顯照揮用黃麾半仗內一千四百
九十九人所有穆清殿皇后受冊合用儀仗欲乞就用
發冊寶黃麾儀仗番袞排列詔依

閏四月五日太史局言今選定拜表稱賀吉日宜用閏四月七日甲午吉十一日戊戌吉詔用閏四月七日

同日兵部言據祇候庫申已降指揮將來發冊權用黃麾半仗本庫契勘殿上捲簾執扇殿侍并殿下御輦院織扇等即不委合與不合排辦駕部契勘前項祇候庫申到權用黃麾半仗止是兵部排設外仗即不該載駕部所管中道織扇等儀仗人物尋取會到下項 一殿前司申合行差撥排辦殿上捲簾執扇殿侍 一御輦院申各排辦差撥人物欲乞行下本院排辦道遙平輦各一乘於東西朵殿上排設道遙在東平輦在西差人員輦官共七十人應奉排立殿下執打織扇共七十人內四人准備在殿門外祇應候紫方織一十人圍龍扇

一十二人方鳳扇二十二入方雉扇二十二入 一中
道織扇儀仗等合於前一日報皇城司等處關入上件
逐色人員都將並駕部職掌相視排立織扇地步標認
地分至日應奉排設 一殿上卷簾執扇殿侍並殿下
執擎扇輦官執著法服織扇合於祇候庫闕請 一中
道織扇儀仗合駕部官吏隨儀仗入殿點檢拘轄其本
部官近臣承兵部申明排設外仗至日本部長戴郎官
隨儀仗入殿外有駕部御輦院合差編排儀仗職掌八
入每遇應奉各係合祇應人數係在殿下織扇後排立
一太常寺狀勘會將來臨軒發皇后用寶其文德殿
合施簾駕部合行排辦殿捲簾執扇殿侍五十八人詔
第五項乞差職掌通兵部已降指揮逐處各二人共八

人餘依

隆興二年並仿此

閏四月七日禮部太常寺言續條具到合行事件一
欲乞依禮例發冊寶前一日工部奉冊寶進入至發冊
寶日質明都大主管官取旨令主當內侍請降冊寶出
禮部職掌以互捧舉至文德殿冊幄一欲乞於禮例
受冊前期擇日差官奏告天地宗廟社稷景靈宮天慶
觀報恩光孝觀諸陵昭慈聖獻皇后攢宮永祐陵攢宮
一臨軒發冊并皇后受冊儀注乞從御史臺太常寺
閣門修定一臨軒發冊其行事執事陪位應奉官依
儀並合服朝服祇應人服法服今來欲乞除行事執事
應奉官並服朝服外其陪位官依禮例除宰執使相侍
從臺諫武臣正任以上並服朝服餘官並服常服立班

所有皇后受冊其應奉內侍官亦乞並服朝服 一臨
軒發冊依儀符寶郎奉八寶於御座之左右今欲乞權
不設置詔依

中興禮書第一百八十九卷

嘉禮十七

用命皇后二

紹興十三年閏四月九日禮部太常寺言撥來中宮受
用今續次條具到合行事件 一依儀設用寶幄次二
於文德殿後東廟今來慮功殿後難設帷帳欲備儀
鸞司於文德殿前東廊設用寶幄次二及合張設垂拱
殿文德殿穆清殿並文德殿後設東西閣東西房殿上
前楹施簾香紫爐烟并拜褥等及穆清殿後設東西閣
子東西房並令儀鸞司隨地之宜釘設排辦 一欲乞
於發用寶前三日合應差充行事執事官并應奉官祇
應人詣文德殿庭及穆清殿門外用祝啟習儀內穆清

殿受用禮儀乞從太常寺定日於天慶觀後齋堂前亦用祝敎教習所差內侍官并祇應人三日所有逐合用幕次什物等乞令臨安府同儀鸞司釘設排辦 一受冊所有應合差內給事內謁者監并讀冊寶及主當傳呼內侍等官乞令太常寺具窠目報入內內侍省取旨差 一受冊并受內外命婦賀并各合差尚宮并司贊典贊等宮人欲乞令太常寺具窠目報內東門司取旨差 一今來所差尚宮司贊典贊等並係宮人至時贊引行禮今欲令入內內侍省差內侍官三員計會太常寺受冊儀範於禁中教習所差宮人 一受冊畢受內外命婦賀其班首各合致詞所有內外命婦合用詞話乞下學士院修撰 一受冊畢依儀會外命婦其合排

辦事件令本殿官相度辦詔依

隆興二年淳熙二年並仿此天慶觀教習條子

太常寺

閏四月十一日禮部太常寺言續次參酌條具到下項
一依儀於穆清殿門外合設冊寶帳乞於穆清殿門
外之北廊上面西隨地之宜令儀鸞司釘設仍量留班
路 一依禮例宰執禮部太常寺官都大主管官按雅
樂今欲乞於受冊前五日就尚書省紫樂 一合設外
命婦侍班幕次乞下儀鸞釘設排辦 一穆清殿皇后
受冊寶所有合用紅羅褥子二副乞令儀鸞司排辦計
會所差供設詔依隆興二年淳熙二年宰執等官不擬樂條仿此
同日禮部太常寺續條具到合行事件下項 一今來
皇后受冊前一日工部奉冊寶進入依禮例冊寶使副

並禮儀使應行禮官并用寶下禮部太常寺奉應人並
合宿街內宰執欲乞於皇城司并資善堂禮儀使并應
行禮官及禮部太常寺應奉人並于垂拱殿外南廊并
面西廊仍令儀鸞司同臨安府排辦釘設幕次什物等
一勘會將來宰執按樂并習儀及發用寶前一日并
至日欲乞依禮例並作休務假發用寶後一日作歇泊
休務假詔依

閏四月十二日太史局言選定中宮受用寶宜用閏四
月十七日甲辰吉宜用其日丙時吉如起辦不及宜用
庚時吉詔依

同日權禮部侍郎王賞等言將來皇帝御文德殿發中
宮用寶皇后於穆清殿受用寶切慮至日不測雨降今

隨宜參酌申請下項 一文德殿發用寶依禮例用寶
使副詣殿下受制并受用寶如值雨降欲乞自東廊用
幄捧舉用寶由文德殿上至西廊隨宜設置使副并應
用寶下官並就西廊及廊上北向受制并受用寶侍中
就西廊宣制受用寶畢使副押用寶出文德殿北便門
至穆清殿門外用幄所有自此便門至穆清殿合用露
屋乞令儀鸞司同臨安府計會絞縛 一穆清殿受用
於禮例皇后降殿北向拜如值雨欲止就殿上北向拜
受使副於穆清殿門外上轉受用寶詔依

同日權禮部郎王賞言今具按雅樂習儀奏告等日分
下項 十三日應差充奏告天地宗廟社稷等處行事
官各赴返處致齋 十四日奏告行事 同日宰執並

禮部太常寺官都大主管官赴尚書省按雅樂 十五

日奉冊寶使副并行事應奉官及文武百僚赴文德殿習儀其冊寶下官再赴穆清殿門外習儀 十六日應差充冊寶下行事應奉官并祇應人等並赴垂拱殿門外宿衛 十七日皇帝御垂拱殿次詣文德殿發冊寶奉冊寶使副并行事應奉及文武百僚赴行禮立班畢皇后詣穆清殿受冊寶行禮詔依

同日入內侍省言勘會將來中宮受冊太常寺條具到合差內給事內謁者監并讀冊舉冊寶及主當傳呼內侍等官乞令本寺具窠目報入內侍省取旨差官其所差尚官司贊典贊等並係宮人至時贊引行禮詔將來皇后受冊受賀合差宮人尚宮等為闕並差內侍

官

隆興二年海監
二年並仿此

同日禮部太常寺言勘會今來皇后受冊已降指揮擇日奏告所有景靈宮神御合于溫州天慶觀諸帝后神御前行禮徽宗皇帝顯恭皇后顯肅皇后神御合于承元殿順承殿行禮今據太史局選到奏告天地宗廟社稷天慶觀報恩光孝觀諸陵承元殿順承殿並宜用閏四月十四日辛丑吉兼勘會奏告溫州景靈宮并昭慈聖獻皇后攢宮永祐陵攢宮依禮例候香祝到擇日奏告行禮今具合排辦差官等事件下項 一奏告天地奏告官一員乞差執政社稷奏告官一員乞差侍從並於錢湖門外惠照院行禮宗廟奏告官一員乞差南班宗室於太廟行禮諸陵奏告官二員乞差南班宗室於

法惠寺設位行禮天慶觀報恩光孝觀奏告官一員乞
乞差侍從並就本觀其所差官前一日於祠所致齋內
報恩光孝觀於明慶寺致齋至日赴本觀行事承元殿
順承殿奏告官一員乞差侍從於本司致齋至日守行
宮門詣逐殿行禮 一奏告景靈宮見在温州奉安乞

自行在降香祝前去候香祝到日令本州知通擇日分

詣行禮 一合用御封降真香共八十合天地二合宋廟

禮二合天慶觀一合報恩光孝觀三合嶺二合

昭應聖祇皇后樓宮一合永祐靈宮三合景靈宮二

合順承殿二合 並乞下入內侍省請降內昭慈聖

獻皇后攢宮永祐陵攢宮香令入內侍省差人降付

攢宮司交割其景靈宮香亦乞令入內侍省差人降付
温州本人交割 一合用青詞四首內天慶觀聖祖天

尊大帝一首報

等官並乞於自來奏告禮例開且闕報所屬差辦詔依
閏四月十三日禮部太常寺言勘會將來命使發中宮
冊寶今參酌到合差官下項伏乞降勅差官奉冊寶使
一員乞差宰臣奉冊寶使並後從冊乞差執政侍中一
員奉寶取寶授奉冊寶副使并後從寶乞差執政禮儀
使一員前導乞差侍從侍中五員乞差侍從奏中嚴外
辦一員御前奏中嚴外辦一員奏解嚴一員御前奏解
嚴一員承旨宣制一員參知政事一員奉節乞差侍從
舉冊官二員舉冊官二員太常外一員押樂已上差卿
監郎官太常博士三員引奉冊寶使一員引奉冊寶副
使一員禮儀使一員協律郎一員舉麾已上乞差太常
寺官知閤門官六員前導官二員傳授中嚴牌并傳授

進外辦官一員進中嚴牌一員進外辦牌一員進解嚴牌一員皇后受冊寶行禮官並差內侍官內給事一員內謁者監一員稱制一員奏請皇后行禮一員皇后受冊受賀引皇后一員讀冊一員舉冊四員舉寶四員舉冊按二員舉寶按二員受冊寶以授內謁者監一員受冊置于東階下一員受寶置于東階下一員奉寶置于座前一員奉中嚴一員奉外辦一員以謝表授皇后兼奉表奏聞一員舉表按詣皇后前二員引陪列命婦受冊受賀引內命婦受賀引外命婦并承旨宣外命婦四員皇后受冊受賀承令稱令旨宣旨一員引內外命婦班首致詞稱賀并會外命婦二員掌節一員供設皇后褥位二員抱席褥鋪設二員傳呼三員贊拜及設內命

婦等陪列位受賀引外命婦等朝位二員奏禮畢一員
主當照管冊寶三員受賀會外命婦諸司二員詔依
同日禮部太常寺言檢會國朝冊中宮禮例俟受冊畢
文武百僚詣東上閤門拜表稱賀次詣內東門奉表賀
皇太后次奉牋賀皇后所有今來皇后受冊禮畢欲乞
依上件禮例文武百僚詣文德殿殿下拜表稱賀訖次
詣內東門奉表賀皇太后次奉牋賀皇后其表牋乞依
例令禮部修撰俟拜牋表訖令逐殿官進入兼契勘今
來文德殿至穆清殿稍遠欲乞受冊畢應用寶下官經
由文德殿北便門入赴殿下拜表稱賀畢文武百僚經
由北便門出赴穆清殿門外拜牋訖權許出皇城北門
詔依

同日詔今月十七日發中殿用寶垂拱殿起居臣僚並

免赴徑赴文德殿行奉

隆興二年五月
並仿此

閏四月十七日皇帝服通天冠絳紗袍御文德殿即座
奉用寶使副入就殿庭受用寶訖押用寶至穆清殿門
外幄次以俟皇后服禕衣司言尚宮引皇后出閣詣穆
清殿奉用寶使副以用寶授受用寶內侍官以授內謁
者監舉用寶入殿皇后降東階至殿下當中褥位北向
請用內侍官宣用曰維紹興十三年歲次癸亥閏四月
戊子朔十七日甲辰皇帝若曰朕荷天眷祐緒復祖宗
遺緒永惟倪妹之祥實天作合故長秋虛位曠日不敢
以輕議今羣工卿士咸造在庭合辭而請者三皇太后
有命謂繼後至重師言允減朕其敢不承咨爾貴妃吳

氏清規世傳孝行夬著從朕初載同于多艱惟恭儉之
安靡作綴之偽用協于一德皇太后受慈寧之養惟爾
調笔甘滑扶持後先助朕以愛欽匪懈宮壺之內怡怡
愉愉肆朕得專意于外治俾爾分任陰教以化成天下
婦道今差使太師尚書左僕射同中書門下平章事兼
樞密使魏國公秦檜副使左中大夫參知政事王次
翁持節冊命爾為皇后於戲戒之哉事姑止孝承夫止
順建下止仁毋勤出而怠後毋出閫以干朝毋外寬而
內忌修闕睦之德追麟趾之風宜爾子孫以無墜上天
既集之命祖宗顧歆朕以錫祚永世豈不韙哉宣冊訖
奉冊進授皇后皇后受冊次受寶并表謝並如儀
閏四月二十一日禮部太常寺言檢准紹興儀制令大

慶大禮發運鹽司官

提舉主管茶事提舉治婦錢公事

奉表賀今來皇

后受冊畢係大慶典禮欲令進奏院遵依上件條牋

施行詔依

歷興二年並此

閏四月二十六日太常寺言准尚書省批送下睿思殿

祇候董仲永狀奉聖旨皇后合詣景靈宮恭謝緣為神

御未到先詣承元殿順承殿恭謝令申尚書省下太常

寺討論於典禮有妨礙如無妨礙令太史局選日太常

寺勘會依儀皇后受冊畢合詣景靈宮行朝謁之禮今

討論若選日先詣承元殿順成殿行恭謝燒香之禮於

典禮別無妨礙乞下太史局擇日仍乞候迎春景靈宮

神御赴行在奉安畢取旨擇日皇后行朝謁之禮太史

局狀選到吉日下項閏四月二十六日癸丑吉二十九

日丙辰吉五月六日壬戌吉十日丙寅吉十二日戊辰
吉詔劄與董仲永照會

五月二十七日詔皇后三代並贈一字王大國夫人

皇

視
恩
有
差

中興禮書第一百九十卷

嘉禮十八

冊命皇后三

隆興元年十月十九日詔恭奉光堯壽聖太上皇帝手
詔皇帝嗣守宗社今已踰年每念長秋之建詎可久虛
賢妃夏氏嬪于列藩備著端淑自家刑國允有異章宜
正中闈克宣陰教可立為皇后有司擇日備禮冊命

十月二十四日三省行首司勘會在京日遇臣僚除授
鎖院係門下侍郎押麻若事體重大係宰相押麻將來
冊皇后降麻事體至重合依舊例宰相押麻詔依
十月二十五日制曰王者誕膺祚曆欲圖邦緒之隆宏
闡化基必自闡儀之正願皇英之降于媯汭若任姒之

嬪于周京懿燦炳六經之傳豐功起五世之盛爰思內
助祇舉國章迎尊太上之訓言俯狗冢司之忱請疇淑
規於禁掖肇徽稱於宮中渙夫明倫告乃列位賢妃夏
氏靖專而寬裕莊肅而惠明粵自母家每瑾佩璫之度
速歸京邸益閑流符之共毓德寢休騰芳滋廣實上應
軒星之象固默全坤載之蓍茲纘御乎家邦本兼筮于
筮卜驗以光於後啓兆應大橫占居順于長孫錄逢歸
妹是用叶天人之意契宗社之祥涓良月而藏禱儀見
長秋而儷皇極於戲問龍樓之膳相予一人之孝恭奉
蠶館之衣訓時四海之勤儉不妬忌所以均睦雍于內
壺無險諛所以扼奸慝于外庭格有生之大和躋斯世
于上治惟乃婦道助茲王猷可立為皇后仍令有司擇

日備禮用命

同日禮部侍郎黃中等言勘會降制立皇后於禮例合擇日拜表賤稱賀今欲乞令太史局擇日宰臣率文武百僚詣德壽宮殿下拜表賀光堯壽聖太上皇帝次移班稍東拜賤賀壽聖太上皇后訖詣文德殿下拜表賀皇帝次移班稍東拜賤賀皇后其表賤乞命禮部修撰俟拜表賤訖令本殿官進入詔依

皇后受用單百僚拜表賤稱賀仿此

同日尚書省言今來皇帝用后所有合製造中宮禕衣禮服等合令有司預先條具詔令梁珂條具製造

十月二十六日禮部太常寺言勘會今來降制立皇后令有司備禮用命所有寶文依禮例合以皇后之寶四字為文并合差撰用文官書用文官篆寶文官各一員

詔撰冊文官差尚書左僕射陳康伯書冊文官差尚書右僕射湯思退篆寶文官差參知政事周葵餘依

十月二十八日禮部太常寺言勘會已降指揮立皇后擇日拜牋表稱賀今據太史局擇用十一月三日庚寅

吉欲乞是日皇帝不視事文武百僚詣德壽宮拜牋表

訖許經由南北宮門赴文德殿拜牋表立班詔依

與百僚拜牋稱賀入
出南北宮門仿此

皇后
受冊

同日中宮祿衣禮服等製造主管所言已降指揮中宮祿衣禮服等令珂條具製造今欲比附昨紹興十三年中宮祿衣禮服等製造主管所已申請體例施行詔依同日禮部太常寺言勘會今來降制立皇后依禮例命使發中宮冊寶合差都大主管官一員係差入內內侍

省官充詔依

同日禮部太常寺言勘會今采降制立皇后依禮例合于受冊前擇日奏告天地宗廟社稷景靈宮太一宮報恩光孝觀天慶觀諸陵昭慈聖獻皇后攢宮永祐陵攢宮安穆皇后攢宮所有合差告等官令太常寺具稟目申中書省差官其應合排辦事件並乞依自來奏告禮例關報所屬排辦內昭慈聖獻皇后攢宮永祐陵攢宮候杏表到日令紹興府依例一面擇日行禮詔依

淳熙二年

此坊

十月十三日工部言已降指揮皇帝皇帝冊后所有合修製冊寶并即令工部行下所屬疾速製造今據文思院中契勘本院係是造作官司不知典禮色額件樣制

切慮製造不應典禮今欲乞依昨修製用寶體例下禮

部太常寺照應典故討論合修製用寶并節及沿用寶

法物逐件範大小分制寸度下院遵執修製及行下太

常寺差禮直官一員每日赴院指說修製詔依

洋熙二年用寶

仿此

用一副以珉玉飾長尺二寸湖一四寸二分厚五分

下邊以金極細界錫金字及兩頭用金絲結共二

視用條蓋用條三幅夾帕各一進用文兩幅夾帕一

通地雲龍朱紅漆匣一具八寸半銀葉雙菜釘長

錄匙兩下用金銀子凡朱紅漆腰輿擔床一度

首四魚鉤四物每朱紅漆腰輿行馬二度

朱紅漆用案一蓋用匣四副夾帕一花籃龍威金表梅

紅造 用匣內褥子一視用匣席褥二副腰輿上面褥子

一肩副膊席褥子一視用匣十二副視竿行馬褥子四

并用八竿袋四褥袋魚鈎帕各二用素帕蓋用匣帕各

一並用袋舉用條扎脚條副脚條魚鈎條各四絆用匣

圓條油帕條紋絡條各二並用粉朱紅漆香案一案衣

一副梅紅燕地百花昇降龍福條並用梅花羅水綠畫燭龍四

箱袋全油寶一鈕用盤為鈕四兩並背銀盤地

裏寶兩幅夾帕二龍表用八各單錦裏寶匣內金鍍銀

檢牌一字裝鸞全堂子二分平銀勾勒皇治之寶四寶匣內

件寶環一製銷寸厚薄量全隨宜製造以象牙修寶盃內

雲盆座子一銀掛銀尺半條木胎裝釘金鍍銀寶斗子

宜製造第三寶盃用金銀釘兩下子帕盤全第二

寶盞

用朱羅

朱羅漆柱銀全銀下手帕全盤

第一寶盞

刺度裝

二盞

同梯盤

用朱紅漆全銀手帕全盤

寶盞三具

並用八

朱紅漆

腰輿

輿

輿

輿

輿

輿

輿

輿

輿

輿行馬

二

并全銀

銀漆

間裝

朱紅

漆

盛

寶

匣

一盛寶

紫閣

寶

紫

紫

各一副

並用

梅紅

羅精

全通

地

百

花

并

降

龍

蓋

寶

盞

五

幅

夾

帕

一

百

花

並

龍

面

昇

龍

蓋

寶

盞

并

行

禮

席

褥

共

八

副

襯

竿

行

馬

褥

子

四

並

用

八

竿

袋

四

魚

鈎

帕

二

蓋

寶

盞

帕

盛

寶

紫

帕

香

紫

各

一

席

褥

袋

八

油

夾

袋

舉

盞

板

條

扎

脚

條

副

脚

條

魚

鈎

條

各

二

並

用

梅

彩

畫

燭

龍

四

袋

緋

油

夾

紅

秉

燭

一

十五

對

常

料

燭

三十

對

麻

爐

一

紅

秉

燭

一

袋

緋

油

夾

袋

舉

盞

板

條

扎

脚

條

副

脚

條

魚

鈎

條

各

二

並

用

梅

彩

畫

燭

龍

四

袋

緋

油

夾

紅

秉

燭

一

十五

對

常

料

燭

三十

對

麻

爐

一

紅

秉

燭

一

袋

緋

油

夾

袋

舉

盞

板

條

扎

脚

條

副

脚

條

魚

鈎

條

各

二

並

用

梅

彩

畫

燭

龍

四

袋

緋

油

夾

紅

秉

燭

一

十五

對

常

料

燭

三十

對

麻

爐

一

紅

秉

燭

一

袋

緋

油

夾

袋

舉

盞

板

條

扎

脚

條

副

脚

條

魚

鈎

條

各

二

並

用

梅

彩

畫

燭

龍

四

袋

緋

油

夾

紅

秉

燭

一

十五

對

常

料

燭

三十

對

麻

爐

一

紅

秉

燭

一

袋

緋

油

夾

袋

舉

盞

板

條

扎

脚

條

副

脚

條

魚

鈎

條

各

二

並

用

梅

彩

畫

燭

龍

四

袋

緋

油

夾

紅

秉

燭

一

十五

對

常

料

燭

三十

百克龍高香匙灰匙火筋全鐵燭臺二高一尺三寸

燭刀一金銀銀七寸節絲黑漆木盤術石葉段釘子梅花

欽燭若油蠟燭各一

十一月一日禮部太常寺言今條具合行申請事併下

項一臨軒發冊依儀符寶郎奉八寶陳於御座之左

右今欲乞依上件禮例令尚書後省應奉一依儀尚

書兵部列黃麾細仗今欲乞令兵部條具一依禮例

行事執事陪位應奉內侍官並合服朝服祇應人服法

服仍令祇候庫預先椿辦支供詔依淳熙二年並仿此

十一月四日臣僚上言伏見陛下遵太上皇帝詔旨建

立長秋之宮母儀天下甚副四海之望然而既建其位

必行其禮禮儀之間按之故事用寶法物之費用與夫

錫賚之便蕃實為不貲臣功謂以不可不正者禮也所
可痛節者凡文之浮費也方今軍旅未寧歲事荒歉臣
愚伏望聖慈親諭大臣行下有司應典禮繁文內外錫
賜痛行減節十減七八如此則長秋一建而陛下節省
之詔下陰教之修傳播中外捷同響答予以感悅天人
召迎和氣豈不盛哉詔依

十一月六日禮部侍郎黃中等言勘會今來降制冊皇
依禮例皇帝御文德殿發冊皇后穆清殿受冊設宮架
之樂檢會國朝典故自從吉日宰相率文武百官上表
請舉樂前後凡五表固請然後降詔宜允方始作樂昨
來紹興九年宰臣以下並不曾拜表今年七月二十四
日已降指揮會慶聖節權不作樂紹興九年已行事體

相類如會慶聖節開啟滿散上壽及孟冬朝獻禮畢並不張樂所有今來制用皇后設宮架之樂緣目今國樂未舉欲乞權時之宜設而不作詔依

十一月七日禮部太常寺今欲續條具到事件下項

一勘會將臨來軒發用并皇后受用寶日辰欲乞依禮例令文思院預行約度修製用寶畢工月日報都大主管所選定日辰取旨施行 一勘會將來臨軒發用皇

后受用寶日欲乞依禮例是日百司並作休務假詔依

仍於來年正月上旬擇日

淳熙二年依此降詔于十月上旬擇日

十一月二十三日門下後省言今具申請下項 一契

勘今來皇后行受用寶之禮依儀八寶合排設於文德殿御座之左右所有將來應奉行禮其合行事件欲乞

照應昨紹興十四年正旦大朝會并逐次大禮安設八寶已得指揮一契勘所差引寶職掌同引寶引香案職掌并奉寶輦官等及差主進奏詣中嚴外辦解嚴牙牌職掌並係入殿應奉昨紹興十四年正旦大朝會係於前一月教習及逐次大禮係於前兩月閱習今欲乞前期教習半月詔依

同日中宮用寶都大主管所言已降指揮皇后受用寶於穆清殿令都大主管所相視殿分取旨今相視得後殿可以權作穆清殿受用寶行禮詔依

十二月四日禮部言今具合行事件下項一合用用寶并香案今欲差撥警擡輦官共二十八人及執擎沿用寶法物用寶案行馬燭籠等天武官二十人接衛皇

城司親從官五十人傳唱街仗司一十人並各合差人
員一名並乞下皇城司御輦院殿前司左右金吾街仗
司差撥教習祇應所有親從官輦官合用纈衫腰帶骨
朵等并天武官街仗司合服著法衣所執仗子并逐人
合帶勅入殿門等號等並令逐處具所差人數關報合
屬去處關借 一所有捧用寶職掌共二十人並於禮
祠主客膳部人吏內差撥所有合服介幘緋衫大帶乞
下祇候庫關借及所帶入殿門勅號亦乞下皇城司關
借 一合用引導燭籠共八隻並合用點照燭並下文
思院製造 一宿衛日欲令文思院於逐作內各差工
匠一名權借入殿門牌號隨逐寶用祇備緩急修整詔
依

十二月六日禮部太常寺言已降指揮合設宮架大樂
權時之宜設而不作今條具合申請下項 一文德殿
發用合設宮架樂於殿下穆清殿受用合設宮架樂于
殿門外並用衫用宮架大樂兩料計六十四架並合前
期般運入赴殿庭安設般運大樂軍兵二百人乞依例
下殿前司馬步司差撥 一所有般運兵級條經由和
寧門入赴殿庭次等排設乞關報皇城司權行關借牌
號照驗入出其大樂名件數目浩瀚將來應奉禮畢切
慮難以日下盡數班發出殿乞令殿內當番親事官照
管毋令損壞次日盡數般發詔依

十二月八日禮部太常寺言今續次參酌條具到合行
事件 一勸會已降指揮皇后受冊畢依儀表謝條皇

后殿委官修撰書寫今欲乞修撰謝表二通謝牋一通
內謝表一通謝光壽堯聖太上皇帝謝牋一通謝壽聖
太上皇后謝表一通謝皇帝一勣會依儀御文德殿
發用其日尚輦陳大輦於西階下東向所有今來於文
德殿發用欲乞依紹興十三年體例權不陳設一勣
會今來文德殿發用穆清殿受用所有禮部用寶下并
太常寺應奉人及樂工等並合出入文德殿及經由至
穆清殿門外祇應今欲乞令太常寺前期具的確人數
姓名報皇城司行下所屬照會至日照應服色放令入
出祇應詔依

十二月十四日禮部太常寺言今續次條具合行事件
下項一依已降指揮後殿權作穆清殿受用寶行禮

依儀於穆清殿門外合設冊寶帷次乞令臨安府同儀
鸞司於穆清殿門外隨地之宜釘設排辦一文德殿
發冊寶如不測值雨及霑濕欲乞自東廊冊帷舉冊寶
由文德殿門至西廊隨宜設置以俟使副并應冊寶下
官官並就西廊隨宜立班受制并受冊寶所有文德殿
門外至穆清殿如值雨其冊寶并冊寶下祇應人等並
訖許施雨具其行事應奉官乞免導從冊寶並經赴穆
清殿門外幕次以俟立班轉受其冊寶不合用雨具乞
令都大主管所關報臨安府排辦詔依

十二月二十一日中宮冊寶都大主管所言將來臨軒
發冊并皇后受冊寶日辰據尅擇宮選用來年正月二
日戊子吉六日壬辰吉時各宜用其日丁時吉并據禮

直官狀若用正月二日係忌相妨若用正月六日行禮
即無相妨詔用正月六日

十二月二十二日太常寺言已降制立皇后於受冊前
期擇日奏告天地宗廟社稷等處所有奏告日辰據太
史局選十二月二十六日壬午吉其合差奏告官令本

司具窠目中中書省伏乞降勅差官昊天上帝皇地祇
太廟別廟太社太稷各奉奏告官光祿卿奉禮郎太祝

太官令各一員

內奏告官天地社稷差宰執宗廟差而
祗宋室光祿卿已下侍從並錄卿監即

寺官

景靈宮前殿聖祖天尊大帝聖像後殿元天

聖后聖像各伸差奏告官光祿卿奉禮郎太祝太官令
各一員中殿諸帝神御後殿昭憲皇后至慈聖光獻皇
后神御宣仁聖烈皇后至顯仁皇后神御各差奏告官

太祝各一員

內奏告官前殿差執政中殿後殿并遞殿光祿卿已下差侍從臺監卿監即官太常

寺太一宮天慶觀報恩光孝觀各差奏告官奉禮郎太

祝太官令各一員

並差借從給舍即官

諸陵奏告

禮部太

祝三員

臨安府

安穆皇后攢宮差祭告官一員

差南班宗室

太祝一員

臨安府詔依

同日太常寺言勘會已降指揮制立皇后於受冊前期

擇日奏告昭慈聖獻皇后攢宮永祜陵攢宮所有合差

奏告官乞就差紹興府南班宗室充候香表到日令紹

興府依例一面擇日行禮伏乞降勅差官詔依

十二月二十四日禮部太常寺言勘會已降指揮用十

二月二十六日奏告行禮其奏告日依禮例皇帝前後

殿不視事詔依

同日太常寺言勘會今來降制立皇后令所司備禮冊命所有將來臨軒發冊寶合差奉冊寶等官依乞降勅差官詔依奉冊寶仗等官窠目內協律郎二員一員詣文德殿下一員詣穆清殿門外并閤門官五員內二員前導一員進中嚴牌兼進外辦牌一員詣侍中承詣宣制一員進解嚴牌及內侍官以謝表牋授皇后兼表牋詣德壽宮投進及奉表奏聞差三員傳呼止差一員其餘窠目並與紹興十三年同

十二月二十六日御史臺言將來皇帝御文德殿臨軒發中宮冊寶合用陪位官并皇后受冊畢宰執已下詣德壽宮拜表牋稱賀次詣文德殿拜表牋賀所有逐位立班官文臣欲乞用應釐務不釐務通直郎已上及行

在見任寺監主簿承務郎已上職事詔依

十二月二十七日閤門言文德殿發用寶陪位官武臣
欲乞用修武郎已上并三衛臣僚赴其逐處拜表
稱賀欲乞用武臣保義郎以上并三衛員僚赴詔依

淳熙三年仿此

同日學士院修撰到皇后受冊寶外命婦人賀皇后詞
語伏覩恩專丕冊位正中宮絳典既成驩聲胥洽恭惟
皇后稟姿玉粹毓德蘭芳禮斯備於嬪虞治將聞於翼
夏妾等叨聯近列夙仰懿模欣覩光儀敢伸頌詠

十二月二十八日禮部太常寺言勘會來年正月六日
文德殿發中宮冊寶依已降指揮係於發用寶前三日
應差行事執事應奉官及文武百僚并祇應人詣文德

殿庭習儀今勘會發用寶前三日習儀係正月三日切緣是日係孝皇惠后忌辰行香日分即有相妨兼正月四日係上辛並立春祀祭行事官趨赴祠所致齋日分亦有相妨今欲乞改用正月五日習儀詔依

十二月二十九日詔將來發中宮用寶畢依禮例次日作歇泊假一日不視事

隆興二年正月一日禮部太常寺言發中宮用寶日并習儀日欲乞依禮例前後殿不視事

同日禮部太常寺言勘會將來皇后受用寶已降指揮用寶使副已下行禮官禮部太常寺應奉人並合宿衛今欲乞除奉用寶使副侍中中書令于皇城司并資壽堂宿衛禮儀等行禮官于麗正門外侍漏院宿衛詔依

正月五日禮部太常寺言勘會依五禮新儀皇后受冊
畢擇日乘翟車有司陳小駕鹵簿儀仗朝謁景靈宮所
有今來皇后受冊畢欲乞先詣欽先孝思殿祖宗神御
前行燒香之禮訖次詣德壽宮朝謝光堯壽聖太上皇
帝壽聖太上皇后其朝詣景靈宮緣重翟車第未備今
欲乞止用肩輿龍檐子其合用儀衛從物等乞令本殿
行下所屬排辦所有朝謁日辰亦乞令本殿下太史局
擇日詣景靈宮行朝謁之禮其合用香燭茶酒果等並
乞令景靈宮天興等殿預先請降排辦詔依
正月六日皇帝服通天冠絳紗袍御文德殿即座奉冊
實使副入就殿庭受冊實訖押冊實至穆清殿門外幄
次以俟皇后服禕衣司言尚宮引皇后出閣詣穆清殿

奉冊寶使副以冊寶授受冊寶內侍官以授內謁者暨
舉冊寶入殿皇后降自東階至殿下當中褥位北向讀
冊內侍官宣冊曰維隆興年歲次甲申正月丁亥朔六
日壬辰皇帝若曰天地合德所以化育萬物日月並明
所以照臨四方維時中宮儷尊辰極所以宣陰教而成
內治是或一道也朕祗若慈訓嗣守丕圖亦既踰年寤
寐以思惟長秋未建無以致兩宮之養助九廟之祭惕
然靡寧而修外攘日不暇給逡巡至今未之敢議太上
皇帝有命擇德立配宜舉徽尊朕曷敢不承咨爾賢妃
夏氏和順積中柔嘉維則是生慶闕來嬪潛藩警戒相
成夙夜匪懈絲中及外人無間言可以正位母儀而化
天下以婦道者非爾其誰今遣使特進尚書左僕射同

中書門下平章事兼樞密使慶國公湯思退副使特降授進尚書右僕射同中書門下平章事兼樞密使都督江淮軍兵魏國公張浚特節用命爾為皇后於戲皇英嬪舜書垂釐降之典任如佐周詩播徽音之詠諒惟淑哲無愧前修惟祗厥身懋厥德其奉舅姑也以孝而事夫以順其撫子孫也以慈而逮下以仁而忱念茲於恭始以毋忘轉佐君子之道則予汝嘉爾亦永有多福豈不休哉宣册訖奉册進授皇后皇后授册次受寶并表謝並如儀

正月二十六日詔皇后弟承信郎閤門祗候夏執中除右武郎閤門宣贊舍人皇后親屬恩澤依格二十五人二月八日詔皇后三代封贈更令有司討論祖宗典故

太常寺討論到祖宗典故下項 大中祥符六年六月

十一日詔贈皇后曾祖劉維嶽中正軍節度使檢校少

傅祖右驍衛大將軍延慶彰德軍節度使檢校大尉父

定國軍節度使兼侍中通永興軍節度使兼中書令追

封曾祖母宋氏吳國祖母袁氏許國母龐氏徐國並太

夫人 嘉祐八年五月九日皇后曾祖故忠武軍節度

使追封韓國公高瓊曾祖母故藩原縣君李氏滕國大

夫人隴西郡夫人李氏舒國太夫人祖建雄軍節度使

繼勳兼尚書令祖母會稽縣君康氏祈國太夫人大原

郡夫人郭氏鄆國太夫人金城縣太君王氏成國太夫

人父北作坊副使遵甫檢校太傅保信軍節度使母鉅

鹿郡君曹氏沂國太夫人大原郡夫人郭氏樂壽郡君

李氏均國太夫人 治平四年二月十三日皇后曾祖
敏中太師尚書令兼中書令魏國公祖傳亮太保曾祖
母梁氏周國張氏楚國宋氏吳國王氏衮國祖母吳氏
舒國並太夫人母李氏祈國張氏肅國並夫人
二月十七日詔皇后三代依典故曾祖贈少保祖贈少
傅父贈少師曾祖母祖母母並追封小國夫人